



# सानसेयारि बड'सा

सानसेयारि 'बड'सा' खरीरालाइयाव  
समाज्यादि जिउजो लोखा थावाय रायथाय, सन्धाय,  
सल', सल'बाथा आरु देवबायादि थावनि, पार्क  
बाइदिनि सायाव लिन्नाय लिन्निबां देयाय हर/  
सानसेयारि 'बड'सा' खरीरालाइया खेबखानाबै  
फोसावगोन।  
बड'सायाव लिन्नाय दिव्वा सलाम,  
'बड'सा' खरी नोथां, जो बयबो आंगो सलाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Sunday ★ 10 November, 2024 Kokrajhar, BTC, Assam ★ Vol.-34, Issue No.223 R.N.I.Regd.No.40994/91, Assam Govt.Regd.No.IPRD.40/2006/3, ★Rs.8/-

## कक्राझारआव अस्ताद कामिनि कुमार नार्जारीनि जोनोम सान फालिदों

अस्ताद कामिनि कुमार नार्जारीनि बिहोमायावनो बागुरुम्बा मोसानाया  
दिनै मुलुगनाडै सिनायथि जादों: मन्थि उखाव गोरा ब्रह्म

कक्राझार, 9 नभेम्बर: बर' सुबुं  
मोसानायनि बिफा एवा संगित  
नातक एकाडेमि बाथा मोनगिरि  
अस्ताद कामिनि कुमार नार्जारीनि  
98 थि जोनोम सानको दिनै  
दुलाराइ बर' हरिमु आफादनि  
बान्जायनायाव कक्राझारआव  
सानसेनि मेहेर गोनां हाबाफारिजों  
खुनाय जायो। कक्राझार सहरनि  
बागानसालियाव थानाय दुलाराइ  
बर' हरिमु आफादनि गाहाइ  
मावखुलियाव दिनै अस्ताद  
कामिनि कुमार नार्जारीनि जोनोम  
साननि लोब्बाजों फुनि समाव  
आफादनि फिफलाखौ बिस्होयो  
दुलाराइ बर' हरिमु आफादनि  
मिरुनि आफादगिरि बिजुवेले



नेलसन दैमारीआ। बेनि उनाव  
अस्ताद कामिनि कुमार नार्जारीनि  
सावगारियाव बिबार बाउजेनो  
रुंसारि अस्ताद कामिनि कुमार  
नार्जारीनि देरसिन सोलोंसा  
नयश्री ब्रह्मआ। बे  
हाबाफारियाव गाहाइ आलासि  
महैर केबिनेट मन्थि उखाव गोरा  
ब्रह्मआ बाहागो लानानै अस्ताद  
कामिनि कुमार नार्जारीखौ  
गोसोखांथिनानै बर' आरिमु-  
हरिमु मुलुगाव अस्ताद कामिनि  
(□ 6 बिलाइआव)

## गोदान दिल्लीयाव खुंनो गोनां बड'लेण्ड फोर्बोआव गाहाइ मन्थिआ बाहागो लागोन कक्राझारआव बराय हान्जा सुरदों

कक्राझार, 9 नभेम्बर:  
कक्राझारआव दिनै बेलासियाव  
मोनसे गिदिर हान्जा सुरनाय  
हाबाफारि खुनाय जायो। मख'नो  
गोनांदि, गोदान दिल्लीयाव खुंनो  
गोनां बड'लेण्ड फोर्बोनि  
जागायजेनाय हाबाफारियाव  
हादतनि गाहाइ मन्थि नरेन्द्र  
(□ 6 बिलाइआव)



## बड'लेण्ड महत्सभआव हादरनि गाहाइ मन्थिआ बाहागो लाफैगोनखौ लानानै गोमखांदों उदालगुरि सहरआ बड'लेण्ड महत्सभआव हादरनि गाहाइ मन्थि नरेन्द्र मदिनि बाहागो लाफैगोना बर' हरिनि थाखाय गोग्गाथाव: निलकान्त' गयारि

उदालगुरि, 9 नभेम्बर: सोलिफु  
नभेम्बर दाननि फैगो 15 आरु  
16 खालाराव साननैनि  
हाबाफारिजों हादरनि राजथावनि  
गोदान दिल्लीनि इन्दिरा गान्धी  
साइ स्टेडियमआव दुलाराय बर'  
फरायसा आफाद, बर' थुनलाइ  
आफाद, दुलाराय बर' हरिमु  
(□ 6 बिलाइआव)



## तामुलपुरआव गाहाइ मन्थि नरेन्द्र मदिखौ बरायनानै एबसुआ हान्जा सुरनाय हाबाफारि खुंदों

तामुलपुर, 9 नभेम्बर: बर'  
हरिनि राव, थुनलाइ आरु  
सोलोंथाइ जौगाथायनि थांखिजों  
दिल्लीयाव फैगो 15 आरु 16  
नभेम्बरआव बिटिसि सरकारनि  
बान्जायनायाव बड'लेण्ड फोर्बो  
खुंफुं जागोन। बड'लेण्ड  
फोर्बोनि हाबाफारियाव 15  
नभेम्बरखालि हादतनि गाहाइ  
मन्थि नरेन्द्र मदिआ बाहागो  
(□ 6 बिलाइआव)



## राइज्यो बेंगिरिआ गावनि साननैनि माजुलि जिल्ला दावबायनायखौ फोजोबदों

फरायसाफोरजों सावरायलायो आरु बिसोरखौ गावसोरनि  
मेलेमारि स्याक्स आरु रोंग'थिफोरखौ बाहायनो खावलायो

गुवाहाटी, 9 नभेम्बर : माजुलि जिल्लायाव गावनि  
साननैनि दावबायनायनि जोबथा खोन्दोआव आसामनि  
राइज्यो बेंगिरि लक्ष्मन प्रसाद आचार्य आ दिनै  
गेरेकिगावआव थानाय केशव राम बरा गोजौसिन गेजेर  
फरायसालियाव थानानै फरायसालिनि फरायसाफोरजों  
सावरायलायो। बिथाड फरायसा आरु फोरोंगिरिफोरनि  
मुलाम्फानि थाखाय फरायसालियाव होनाय गोनांधार  
खावुफोर, जेरै दे जगायनाय आरु खिखरसालिफोरनि  
खोरं लायो। फरायसाफोरजों सम बारहोनानै, राइज्यो  
बेंगिरिया फरायसाफोरनो होनाय सोलोंथायारि खावुफोरखौ  
नोजो होनायनि अनगायैबो, बिथाड फोरोंगिरिफोरनि  
मासि, फोरोंगिरि- (□ 6 बिलाइआव)



## बड'लेण्ड फोर्बो भारतनि गाहाइ मन्थि नरेन्द्र मदिनि बाहागो लाफैगोनखौ बरायनानै हान्जा सुरदों

गसाइगाव, 9 नभेम्बर: फैगो 15  
आरु 16 नभेम्बरआव गोदान  
दिल्लीयाव खुंजानो गोनां  
बड'लेण्ड फोर्बोआव भारतनि  
गाहाइ मन्थि नरेन्द्र मदिनि बाहागो  
लाफैगोनखौ बरायनानै दिनै बर'  
हरिनि गुबुन गुबुन दोलो-  
(□ 6 बिलाइआव)

## चिदली बिधान सभा बियाबनि उफ्रा बिसायख 'थिखौ लानानै खुंथाय-बेरेखा हान्जानि गेजेराव गोखों हाबु सारनायनाय

बासुगाव, 9 नभेम्बर: चिदली  
बिधान सभा बियाबनि  
बांगालदबायाव बिपिएफ दोलोनि  
मोनसे दोलोयारि बिसायख 'थि  
फोसावदिनाय मेलाव फिन प्रमद  
बर'खौ थांखिनानै हाग्रामा  
महिलारीआ गोखों रावजों  
सोखारिदों। प्रमद बर'आ सिगां



समाव मख'नाय बायदियै फैगो  
6 एप्रिल 2025 आव प्रमद  
बर'आ बिटिसिनि खुंथाय  
समआ थुंफैगोन आरु 9  
एप्रिलखालि प्रमद बर'आ फासि  
लानानै गावनि जिउखौ  
फोजोबनानै लागोन होनानै  
हाग्रामा महिलारीआ बुजो।  
(□ 6 बिलाइआव)

## सालबारिआव गाहाइ मन्थिखौ बरायनानै बराय हान्जा सुरनाय हाबाफारि खुंदों

सालबारि, 9 नभेम्बर: बाक्सा  
जिल्लानि महकु मा सदर  
सालबारियाव बर' थुनलाइ  
आफाद, एबसु आरु बर' हरिमु  
आफादनि जुथायै बान्जायनायाव  
बराय हान्जा सुरनाय हाबाफारि  
खुंनाय जायो। मख'नो गोनांदि,  
फैगो 15 आरु 16 नभेम्बरआव  
73 थि बर' थुनलाइ आफादनि  
गायसन्थाय सान फालिथाया  
गोदान दिल्लीयाव खुंजागोन।  
बे हाबाफारिजों लोब्बा  
लाखिनानै बर' थुनलाइ आफाद,  
एबसु आरु बर' हरिमु



आफादनि जुथायै बान्जायनायाव  
बिटिसि सरकारनि हेफाजाबाव  
बड'लेण्ड फोर्बो खुंनो लादों।

## गसाइगाव भनेश्वरि डेका मेम रिखिल गेजेरइंगजी फरायसालियाव राव गेग्गाथाव सप्ताह खुंदों

गसाइगाव, 9 नभेम्बर:  
गसाइगाव सदर सहराव थानाय  
भनेश्वरि डेका मेम रिखिन गेजेर  
इंगजी फरायसालियाव 'राव  
गोग्गाथाव सप्ताह' हाबाफारि  
खुंदों। फरायसालिनि बारग'  
फोरोंगिरि पवित्र पाठक आ  
सामलायनाय हाबाफारिनि  
शांखिलाइखौ गाहाइ फोरोंगिरि  
शंकर चन्द्र दासआ बिबुंथि  
लाखिदों। गसाइगाव दालाय  
साहित्य सभानि आफादगिरि  
कनिन्द्र नाथ दासआ असमीया  
रावआ धूपदी रावनि मान  
मोनायाव गोजोनाय फोरमायनानै  
(□ 6 बिलाइआव)

## गसाइगाव बिएड फरायसालिमानि गोदान फरायसा बरायनाय हाबाफारि खुंदों

गसाइगाव, 9 नभेम्बर: गोखों  
खामानि मावनाय, गियान,  
सिबिनाय आरु सैथो, वेफोर  
गुबैयै सासे जर'खा सुबुंखौ  
मान मोनहोयो। बेबायदि  
बिबुंथिखौ कक्राझारआव  
थानाय बड'लेण्ड  
मुलुगसोलोंसालिनि भाइस  
चेन्सेलर बाबुलाल आहुजाआ  
(□ 6 बिलाइआव)



## मंगलाझारा दख'रा दुलाराइ बर' फरायसा आफादनि खुंगा 17थि बोसोरसालिया जथुम्माया दिनै जोबलांबाय

पर्वतझरा, 9 नभेम्बर: कक्राझार  
जिल्ला पर्वतझरा महकुमानि  
सिखव थानाय मंगलाझरा गोजौ  
फरायसालिनि गेवलां गेलेग्रा  
फोथाराव साननैनि हाबाफारिजों  
खुजानाय मंगलाझरा दख'रा दुलाराइ  
बर' फरायसा आफादनि खुंगा  
17थि बोसोरसालिया जथुम्माया  
दिनै जोबनानै थाडो। 8 आरु 9  
नभेम्बर साननैनि हाबाफारिजों  
खुनाय देग्लायनि खुंगा 17थि



बोसोरसालिया जथुम्मानि दिनै  
नैथि एवा जोबथा साननि  
हाबाफारि बायदियै फुंबिलि  
समाव एबसुनि गोथार आर'ज

मेथाइ रोजाबनाय आरु  
आफादनि गोथार फिफला  
बिरहोनायनि गेजेरजों जागायो।  
मख'नाय जायोदि, बे खुंगा  
17थि बोसोरसालिया  
जथुम्मानि थान्दै मेलनि गेजेरजों  
मंगलाझरा दख'रा दुलाराइ बर'  
फरायसा आफादनि गोजाम  
आफादखौ सिमफायनानै गोदानै  
दाना लानाय जायो। मंगलाझरा  
(□ 6 बिलाइआव)

## गोजोननि नोगोर कक्राझारआव मेलानि मुडाव जुवा होनायनि अजद ओंखारदों



कक्राझार, 9 नभेम्बर: गोजोननि नोगोर कक्राझारआव  
आधिखालाव मोनाबिलि जायोब्लानो जौ-जुवानि आदा  
सोलिनारयनि मोनसे गोजोन गैयै थासारिया गोदान जोलैनि  
गेजेराव सिलिखार जाहोनो लादों (□ 6 बिलाइआव)

जेका विगुर रानखानाय, गुरित रानखानाय एवा आधि आफा गावनाया जेना खालामो

अब्ला सभ'लिननि

गुरे मुलायम क्रिमआ  
बिगुराव  
भिटाभिन होयो, जौनाय लाबोयो  
आरो मोखानिक्राय दागोफोरखौ जानगर खालामो

SOVOLIN

बिनिखायनो सभ'लिननि क्रिमखौ सानफोमबो बाहाय



## सुजुगिरिनि खोलोम

### बर 'नि दानाय-लुनाय आरो हारिमु लाखिनाय

बुंस हायै समनिक्रयनो गामिआव राइजो जाग्रा सुबुंफ्रा दानाय लुनायखौ गोनां आरिमु महरै गोबाना लाबोदों। बर' माहारिनि गेजेराव बाश्रा फंसे दडः 'जाय हिन्जावा दानाय लुनायाव आखाय गैया बे हिन्जाव सिख्ताखौ रावबो हाबा खालामा'। बाश्राया नंखाय नड। गामिआव नखरफ्रोमबो साल-गान्दैजों समायना इसानसाली थानायमोन। मेसैं बोथोर सौफेनाय लोगो लोगो नखर नखर सि सौनाय, नो-खन्नाय, बिनि उनाव गान्दैआव खुन्दुंखौ फान्ना सालाव दानाय। गामिआव हाबहेब्लानो नखर नखर खालथां, खालथां, माखु गान्नाय सोदोब खोनानो मोननायमोन। आधिखालाव नाथाय गामिफ्राव हाबहेब्लाना माखु गान्नायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हमखो, बेखौबो गोथोयै साननो गोनां जाबाय। गोदोफोर खुन्दुंखौ गाव गावनो बाइदि रोखोम मुवाजों गोमो, गोथां गोजा, गोमो दाउदें बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोम गावनि खुन्दुं बायना दखना, जोमग्रा सिमा, बाइदि बाइदि रोखोमनि सि दाबाय। गोदो गामि गामि इन्दि बिफानि बागान खालामना एफमो फिनानै फिथोबनिक्रय इन्दि, खुन्दुं दिहुनना इन्दि सि दानायमोन। नखराव जोमनो दोनानैबो गुबुनोबो फानहरोमोन। इन्दि सिनि बेसेना गोदोनिखुइ आधिखालाव गोबां जसिनबाय। गोबां रोखोमनि इन्दिसि दाना दिहुनो हाब्ला बेनिक्रयबो गोबां रां मोननो हायो। बेजोंनो नखरनि गथ गथानो लेखा-बायनो गाननाय जोमनायखौबो जगार खालामनो हायो। आधिखालनि सुबुंफ्रा नाथाय इन्दिसिखौ जोमाबलानो हाथायाव मोननाय मनिपुरि जोमग्रा, काश्मीरि साल बाइदि बाइदि सि फोरखौसो बायना जोमसैं। सिनि फलांगि खालामनो माखासे आइजोफ्रा दाउगाबोनायखौ नुनो मोनदों। आइजोफोरनि दानाय लुनायनि आफादफोर दाना लानायखौ नुनो मोनदोंसैं। बे रोखोमनि उइभिं सेन्टारव दखना जोमग्रा बाइदि बाइदि सि दाना हाथाय बाजारवाव फाननोबो लाबाय। गामिनि सिख्ताफ्रानो बे उइभिं सेन्टारव जानो आन्थाल 'रां लाना दानाय लुनाय हाबाखौ मावनो हमबाय। नाथाय बेजों उइभिंनि सोदोमफ्रा बेसे बां मुलाम्फा दैखानो हादों बेबो मोनसे साननो गोनां। नुनो मोननाय बादिथैब्ला उइभिंनिक्रय दिहुनजानाय सि-जोमखौ फाननायनि थाखाय नांगोमानि गुवार रोखोमनि हाथाय गैया। नांगो रोखोमनि गुवार हाथाय गैयाब्ला उइभिंफ्रा थाना थानांगोआ गोब्राव। हादोरनि बायहाआवबो बे रोखोमनि हाथाय थानांगोन। जैरैख जाया, माहारिनि हारिमु आरो आरिमुखौ फोथाना लाखिनायनि लामाखौबो लानांगोन। बि.टि.सि. हालामनि बर' आइजोफ्रा गोदो गोदायनिक्रय सोलिबोनाय दानाय लुनायनि आखुखौ फोथाना लाखिनांगोन। बिटिसिनि दैनेगिरिफ्राबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसैनि खुन्दुं खिनिखौ जगायना सोरकारा होनो हानांगोन। आधिखालनि गामिफोरनि सुबुंफोरनि हाल-साला गामाम नलिया। जानाय लौनायखौनो जगायनो हायाब्ला गाननाय जोमनायखौ माब्रै जगायनो हानो? जैरैख जाया थानानै थानायनि रहाखौ बिटिसिनि दैनेगिरिफ्रा गामिनि सुबुंफोरनो हानांगोन। बिनि लोगो लोगो माहारिनि हारिमु आरो आरिमुखौबो फोथानानै लाखिनांगोन।

## दिनैनि फान्जामुथि

### राशि बाइदिथै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेघ:** गोथार खामानिनि थाखाय सोरजोंबा लोगो हमलायनो हागोन। सान्नाया जाफुंगोन।

**वृष:** जेना-जैसिनि जिंगा सिनांगौआ जोबसांगोन। गोसोखौ गोजोन मोनगोन। मोजां सान।

**मिथुन:** रंखावरिया मोजाडेनो थागोन। माबा मोनसे मुवा खहा जानो हागौ।

**कर्कट:** सावसिआ गाहामेनो थागोन। सोरबा लोगो गोमानो हागौ। गोसोखौ शान्ति मोननाय नड।

**सिंह:** फालांगिनि मावग्रानि थाखाय गामाम सान। जेखि मावा मुलाम्फा जागोन।

**कन्या:** जेखि जाया फालांगि खालामनायाव रंखावरि मुलाम्फा जागोन। मोजां सान। गोजोन मोनगोन।

**तुला:** जेखि बादाया देहासारनायखौ मोनो हागोन। गोजोन मोनो हागोन। मोजां सान।

**वृश्चिक:** खेला गेलेगिरिफोरनि थाखाय मोजां दिन। बादायनायाव देहासारनायखौ मोनगोन।

**धनु:** फालांगि मावनायाव खहाफोर जानो हागौ। सांग्राडै मावनांगोन।

**मकर:** माबा मोनसे मुवा-बेसाद खहा जानो हागौ। गोसोखौ गात्रि मोनखांगोन।

**कुम्भ:** जेखियानो जाया मानो साहस खालामनानै मावयोबा जाफुंसारनायखौ मोनगोन।

**मीन:** जेखि जाया बादाया मानो फेजेनो हागोन। जैरेबो सांग्रा जानांगोन।

## कंग्रेसआ उफ्रा बिसायख 'थिआव गोख्रों राहा लानो बिसायख 'थि आयगखौ खावलायदों

गुवाहाटी, 9 नभेम्बर: उफ्रा बिसायख 'थिआ खुंजानो गेजेराव सानब्रैल' दंसै। आसाम रइज्यो कंग्रेस कमिटि (एपिसिसि) आ शुक्र बारआव बिसायख 'थि आयग (इसि) निसिम जानो गोनां उफ्रा बिसायख 'थि, जर'खायै सामगुडि बिधानसभा बियाबआव जाथावना बुथ केप्सारि आरो गेनाखान्थिखौ होबथानो थाखाय आखाइ होनो खावलायदों। एपिसिसिआ बिसायख 'थिआव गेनाखान्थि जाथावनानि बागै जिंगा फोरमायो आरो बिसायख 'थि आयगखौ रोखा भट खुंनायनि थाखाय खावलायहरो। आसामआव फेगो 13 नभेम्बरआव दलाइ, बडाइगाव, सिडली, बेहाली



आरो सामगुडिआव उफ्रा बिसायख 'थि जागोन। एपिसिसिआ भट मिरुफोरव पेरामिलिटारि आरो सिसिस्टिभि केमेराफोरखौ थिसन्यायनि रहा खालामनोबो खावलायदों। आसामनि गाहाइ बिसायख 'थि बिवानगिरि (सिइअ) अनुरग गयलनि गेजेरजों सिइसि रजिब

### श्री श्री हरि मन्दिरआव प्रज्ञा नलबारि जिल्ला आफादनि बान्जायनायाव जिउ गोनां रास-भावनानि मावबादाखौ बशिष्ट बुजरबरुवाआ नायसं फेदों

घरापार, 9 नभेम्बर: प्रज्ञा नलबारि जिल्ला आफादनि बान्जायनायाव आरो कलाक्षेत्र, गुवाहाटीनि हेफाजाबाव थानाय खेबनि बायदिनो बे खेबावबो नलबारिनि श्री श्री हरि मन्दिरव थानाय 21 अक्टबरनिक्रय श्री कृष्णिन रास फोर्बोंआव गोसो बोनो हानाय मुंदांखा सोरजिनाय जिउ गोनां रास आरो भावथिना दिन्थिनायनि मावबादाय खुंजाबाय थानायनि गेजेरावनो दिनें राष्ट्रिय स्वयं सेवक संघनि आसाम रइज्योनि फोसावदिगिरि बशिष्ट बुजरबरुवाआ नायसंफेदों। लोगोसेनो बुजरबरुवाआ मावबादानि सोलौसाफोरजों बाश्रा सावरयालायो। फारसेथिं खौरां बिजोनि सिगाडव बशिष्ट बुजरबरुवाआ बुंदोंदि, रोजा-रोजा बोसोर सोलिबोनाय दोरोडारि रासखौ लानानै आरिमुनि बेबायदि नाजानाया समाइना आरो मोजां थांखि लानाय। रासनि आयदायानो जाबाय सानसुमेनि मोनसे आयदा। रासनि आयदायानो जाबाय जौनि जिउमा आरो अबंलावरिनि गेरोबलायनाय होना फोरमायो। महापुरुष सानैनि थैरोडै सोरजिनाया गोदान जोलैखौ सिनायथि होनायनि थांखि लानाया जोबोद समाइना होना बुजरबरुवाआ फोरमायदों। बिथाड लोगोसे बुंदोंदि, माजुलिनि जिउ गोनां रास आरो सा-आसामनि जिउ गोनां रासआ सुबुंफोरनि गेजेराव आन्ध्यात्मिक सान्याय-हनायखौ लाबोयो। अखं आसामनि बादिनो नलबारिनि रासआवबो नैथि खेबनि थाखाय जिउ गोनां रास

कुमारनो हराय लाइजामआव एपिसिसिनि आफादगिरि भुपेन कुमार बरा, बेरेखा दोलोनि दैनेगिरि देवब्रत शइकिया आरो एआइसिसिआ खुंथायाव थानाय पाटिनि हेफाजाबगिरिफोर भट होप्राफोरखौ सिगि-सग' खालामनो नाजानायनि बागै आसा खालामनायखौ फोरमायदों।

## बोथोर सोलायनाया थासारिखौ गिखंथावसिन खालामगासिनो दड



गोदान दिल्ली, 9 नभेम्बर: आबहावा सोलायनायनि जाहोनाव जानाय बोथोरारि जाथायफोर जिब जुनातफोरनि सायाव गाजिथै गोहोम गोलैगासिनो दड। बे बोसोरनि गिबि 9 दाननि गेजेराव 93 जौखोन्दो एबा 274 सानफोरनि गेजेराव 255 सानाव गरम, गुसु बार, चक्रवात, मोब्लिब, गोबां अखा, दै बाना आरो हा गिसिखानाय बायदि जाथायफोरजों मोगा-मोगि जानादों। बे जाथायफोरनि जाहोनाव सा 3,238 सुबुंफोरनि जिउ गोमायो आरो 32 लाख हेक्टर फसलफोरव गोहोम गोलैदों। बेजों गं 2,35,862 न' एबा बिल्डिफोर आरो गासै 9,457 जुनातफोर थैयो। सेन्टर फर साइन्स एन्ड एन्भारमेन्ट (सिएसइ) नि गाहाइ बिथोनगिरि सुनीता नारायणनि फारसेनिक्रय शुक्रबारखालि

1901 नि उन्निक्रय जानुवारीआ भारतनि 9थि बयनिखुइ रानस्वाविसन दानमोन। फेब्रुवारीयाव हदतआव 123 बोसोरनि गेजेराव गावनि नैथि बयनिखुइ बांसिन मिनिमाम बिदुंखौ दिखानो मोन्दों। बेनि उनाव मे दानाव ब्रैथि बांसिन एफोस्टे बिदुइ रेकर्ड खालामो आरो जुलाइ, आगस्ट आरो सेप्टेम्बरआव सभाआ 1901 नि उन्निक्रय गावनि बांसिन मिनिमाम बिदुंखौ दिखानों। बेनि सोमोन्दै सुनीता नारायणआ बुडोदि, सिगाडाव जाय जाथायफोर जौसे बोसोरव खेबसे जायोमोन। आधिखालाव बेयो खेबफ्रोम 5 बोसोर एबा बेनिखुइबो खम समाव जागासिनो दड।

## मिज'राम सरकारि मावफारियाफोरनि सिबिथायखौ नायसंनारयनि कमिति दादों

आइजल, 9 नभेम्बर: मिज'रामनि गिबि मन्थि लालदुहमाआ शुक्र बारआव बुडोदि, राइज्यो सरकारनि मावफारियाफोरनि सिबिथायखौ नायसंनारयनि थाखाय गासिबो बिफानफोरव समिति दानाय जागोन। आइजलआव मिजराय सेक्रेटारियेट सिबिथाय संघनि सम्मेलनआव बिबुंथि लाखिनानै गिबि मन्थिआ बुडोदि, राइज्योआव गुन गोनां आरो



## एक्सआव ट्राम्पनो हामब्लायथि हरनानै पाकिस्ताननि गाहाइ मन्थिया जेनायाव गोलैदों

गोदान दिल्ली, 9 नभेम्बर : पाकिस्ताननि गाहाइ मन्थि शहबाज शरिफआ हादतगिरि बि स आ य ख ' थि य आ देरहासारनायनि उनाव डनाल्ड ट्राम्पनो गामाम हामब्लाइथि हरो। नाथाय बिथांनि हामब्लाइथि हरनानिक्रय मोनसे जेना नुजाथियो। बेनि जाहोनानो जादों शशेल मिडिया प्लेटफर्म एक्सआव शहबाजआ ट्राम्पनो हामब्लाइथि हरनाय। मानोना बे समाव पाकिस्तानआव एक्सआव बेन खालामजाना दड। सुबुंफोर एक्सखौ हादतआव होबथानाय समावनो गाहाइ मन्थिया बेयाव माबोरै हामब्लाइथि मेसेज परस्ट खालामनो हाखो होना सौंथि खालामदों। गाहाइ मन्थि शरिफआ एक्सआव ट्राम्पनि जारिमिनारि देरहासारनायनि हामब्लाइथि होनानै पाकिस्तान-आमेरिकानि शोयारिखौ गोख्रोंसिन खालामनो आरो जयै खामानि मावलानायनि गोसो गुदुं



जानायखौ बुंथिदोंमोन। शरिफनि परस्टनि गाहायाव मोनसे कमिडनिटि नटबो दडमोन, जेराव पाकिस्ताननि गाहाइ मन्थिया मोगथांआव मोनसे भिपिएननि गेजेरजों प्लेटफर्म सिम सौहैदों। बेयो पाकिस्ताननि आइन बायदिथै माहारियारि खान्थिफोरखौ सिमफायनाय जादों होनायखौ दंमोन। मख'जाथाव, शहबास सरकारनो रेखाथि जाहोनाफोरनि थाखाय हादतआव एक्सखौ बेन खालामदोंमोन। नाथाय भिपिएननि गेजेरजों सुबुंफोर दाबो बे प्लेटफर्मखौ बाहायगासिनो। इन्टारनेट मिडियाआव सौंथिबो सिखांदोंदि, पाकिस्ताननि गाहाइ मन्थि शरिफआ भिपिएनखौ बाहायना ट्राम्पनो बिसायख 'थियाय देरहासारनायनि हामब्लाइथि हरमारदों नामा। नाथाय पाकिस्तानआव भिपिएनखौ बाहायनाया आइन बेरेखा आरो माजानिबो नेम-खान्थि दड। अदेबानि शहबाज शरिफआ ट्राम्पनो हामब्लाइथि मेसेज हरनानयनि सिगांबो गावनि मावख'यारि एक्स हेन्डेलआव परस्ट होबाय थायो। मिबथिनो मोननाय बायदिब्ला, दासिमाव ट्राम्प आरो शरिफआ फनआव सावरयाखौ।

## सामब्राम गोजानि उनाव सामब्राम गुफुरनि बेसेना बांदों



गोदान दिल्ली, 9 नभेम्बर : बेसेन बांनारयनि गोहोमा हादतआव फोर्बों एबा फुजा बोथोरनि उनावबो सोलिगासिनो। सुबुंफोर फोर्बोंनि उनाव बेसेन बांनारयनिक्रय रेहाय मोनगोन होना आसा खालामदों। हाथाइ-बाजारआव मैंग-थाइंगफोरनि बेसेना गोजौ थाखोयावनो दड। फारसेथिं

बयनिबो नख'शव बाहायजानाय सामब्राम गोजानि बेसेनाबो दावखोलांगसिनो। फारसेथिं सामब्राम गुफुरनि बेसेनाबो अखां नहैदों। क्रिसलिन रिपर्ट उनाव बेसेन बांनारयनिक्रय रेहाय मोनगोन होना आसा खालामदों। हाथाइ-बाजारआव मैंग-थाइंगफोरनि बेसेना गोजौ थाखोयावनो दड। फारसेथिं

## कलाइगावनि नवा दैसा गाथोनाव छठ फुजा खुंदों

कलाइगाव, 9 नभेम्बर: हादतनाडै जों लोगोसेनो बिटिआरनि उदालगुरि जिल्लानि सिडाव थानाय कलाइगावआवबो रंजा-गोजोन दोरोडारि खान्थिजों नवा दैसानि मोन 9 गाथोनाव हिन्दी रावआरिनि सुबुंफोरा फुजा सिबिथायजों छठ फुजाखौ खुंदों। फुजायाव हिन्दी रावआरिनि सुबुंफोरनि हौवा-आइजो, गागि सुबुं, लाइमोन सेंग्रा-सिख्ता, उन्दै गथ 'साफोर दैसानि गाथोनाव फैनानै सान अंब गसायखौ फुजा सिबिथाय बाउयो। मख'नो गोनांदि, सान्नेनाडै उखैहाब थानानै आइजोफोर न'नि गात्रि गोजोन गैथैखौ फोजोबनानै, गोजोन थासारिजों नख'र खानायजों



लोगोसे बायदि आरज' सुबुंफोरनि मोनसे दोरोडारि फोर्बों महरै दैसा गाथोनाव फुजा होबोबाय थदों। मख'नो गोनांदि, कलाइगाव नवा दैसानि गाथोनाव सान्नेनि हाबाफारिजों गोथार रंजा-बाजायै छठ फुजाखौ खुंदों। बे फुजायाव कलाइगाव रेभिनड सार्केल बिबानगिरि काबेरि रंपि पिजों लोगोसे बायदि दोलो आफाद आरो फरायसा आफादनि दैनेगिरि-बिबानगिरिफोर बाहागो लाफेदों।

## आदब-खायदा गोरों मावफारियाफोरखौ लानायनि थाखाय बे थांखिखौ आजावनाय जादों। गासिबो बिफानफोरव सिबिथाय नायसंनारय समिति दानायबो जादों। बिथांमोपहा बै मावफारियाफोरखौ सदानगोन आरो बिसोरखौ सिनायथिगोन, जाय गावनि डिउटिखौ मावनो हानाय नला। बिसोरौ बै सुबुंफोरखौबो सिनायथिगोन

आदब-खायदा गोरों मावफारियाफोरखौ लानायनि थाखाय बे थांखिखौ आजावनाय जादों। गासिबो बिफानफोरव सिबिथाय नायसंनारय समिति दानायबो जादों। बिथांमोपहा बै मावफारियाफोरखौ सदानगोन आरो बिसोरखौ सिनायथिगोन, जाय गावनि डिउटिखौ मावनो हानाय नला। बिसोरौ बै सुबुंफोरखौबो सिनायथिगोन

जायफोर राइज्योआव गुन गोनां आरो कौशल गोरों मावफारिया होना रोखायै गनायजानाय नड। सरकारनि सिबिथाय गुनाआ मोजां जायोब्लानो राइज्योनि गुनआवबो साबस्नानय फेगोन। बेनि सिगां गिबि मन्थि लालदुहमाआ बुंदोंमोन्दै, राइज्यो सरकारआ बैसोर मावफारियाफोरखौ बोखारनायनि थाखाय थांखि आजावगोन जायफोर गोनांथिनि समाव थिसन जानायनि थाखाय राफोद नड।



## फैगौ 14 नभेम्बर आव कदैगुरिआव गथ'सा सान फालिगोन

**भवानिपुर, 9 नभेम्बर:** भवानिपुर बिधान सभा बियाबनि सिडव थानाय गेलेमु, हरिमु, मेलेमारि बिधिनि जौगाथायजौं जारिमिनारि कदैगुरि गामिनि नाम न'नि बान्जायनायाव फैगौ 14 नभेम्बरखालि सानसेनि हाबाफारिजौं गथ'सा सान खुंनो साखा-फाय खालामदौं। गथ'सा सान बान्जाय आफादिनि आफादिगिरि पंकज उजिर, नेहाथारि दिक्क उजिर आरो रुपम डेकाआ मिथिहोनाय बादिब्ला, सानसेनि मेहेर गोनां हाबाफारियाव फिर्फिला बिरहोनाय, जवाहरलाल नेहरुनि सावगारियाव मान बाडनाय हाबाफारि, बिफां फुलि गायनाय, फरायसाफोरनि गेजेराव गोसोखाथि आन्जाद, सावगारि आखिनाय, राइथाय, सांगव,

खन्थाइ आवरायनाय, हरखाब बिबुंथि होनाय बायदि बादायलायनाय हाबाफारि खुंनय जागोन। मोनाबिलि समाव आलारि बाथि फोजौंनाय, गथ'साफोरजौं सावरायनाय हाबाफारिनि उनाव बान्था रन्नाय आरो बरायनाय हाबाफारि खुंनय जागोन। हरनि समाव कदैगुरि गामिनि गथ'सा आर्टिस्टफोरजौं लाइमोन फावथायगिरि बिस्वजित पाठकनि सुजुनाय नाइजाव सपुनर रंग मुनि गथ'सा फावथिनाखौं दिन्थिफुंनय जागोन। बे गसैबो हाबाफारियाव राइजो-राजाफोरखौं बाहागो लानो थाखाय बान्जायगिरिफोर खालामदौं।

## त्रिपुरा हाइ कर्टआ सांग्रांथि गैयैनि थाखाय मुलुग सोलौंसालिनि सायाव 25,000 रंनि जुरिमाना जाबसिन्दौं




**गुवाहाटी, 9 नभेम्बर:** त्रिपुरा हाइ कर्टआ सासे एस्सिस्टेन्ट प्रफेसरनो फोस्मानलाइ फोसावनायाव सांग्रांथि गैयै खालामनायनि थाखाय त्रिपुरा मुलुग सोलौंसालिनि सायाव 25,000 रंनि जुरिमाना जाबसिन्दौं। बिजिरगिरि अरिन्दम लधआ गावनि थांखियाव मुलुग सोलौंसालिनो शुक्रबारसिमाव सांग्रांथिजौं जमा खालामनो बिथोन होयो। बिजिरसालिया अजद दिखानाय बायदिब्ला, सासे एस्सिस्टेन्ट प्रफेसरआ मोनसे ओरेबायदि आयदानि थाखाय आयैनारि बिजिरनो दाबि दैखानदौं, जायखौं मोनसे गहाइ फसथाननि

गेजेरजौं नेम-खान्थि महेर होबथानांगौमोन। बेनि सोमोन्दे बुंथिगिरि पुरुषत्तम रय बर्मनआ बुंथिगिरि, बिनि मुवक्किल रजत देब, जाय त्रिपुरा मुलुग सोलौंसालियाव फालांगिनि एस्सिस्टेन्ट प्रफेसर मासिनि थाखाय आर'ज गाबनो थांखि लादौंमोन। जायखौं थानाय दानाव फोसावदिं खालामदौंमोन। खनले खनले फल-आप खालामसेयावबो एनअसि आरो मोनसे फोस्मान लाइनि थाखाय बिनि आर'ज गाबनायनि जेबो फिन्नाय मोनाखौंमोन। हाबाफारिनि

समाव रय बर्मनआ बुंथिगिरि, रेजिस्ट्रार दिपक शर्मा आ बिजिरसालिनो शेयार खालामनो नाजायोदि, इन्टारिम बिजाथिफोर फोरोगिरि आरो फोरोगिरि नडे मासिफोरनि थाखाय आर'ज गाबनायनि थाखाय एनअसिनि गोनांथि जाया। बे के सखौं बिजिरसालिया बिजिरनानै बुंथिगिरि, बे मुलुग सोलौंसालि आरो केसनिक्राय बाराग'नो थाखाय बिबान थानाय बिजोरनि बिबानगिरिफोर आबुडै सांग्रांथि गैया। गावनि बिबुंथियाव बिजिरसालिया बुंभावदौं, जुदि एनअसिनि गोनांथि गैयाब्ला मुलुग सोलौंसालिया मानो सिरि थाया आरो अजद दैखानगोनो मानो बेनि खौरां होयाखै। बेनिखायनो बिजिरसालिया मुलुग सोलौंसालिखौं अजद दैखानगोनो जुरिमाना महेर 25,000 रं होनो बिथोन होयो।

## भार्चुएल क्रेडिट कार्डजौं पेमेन्ट खालामनाया गोलै आरो रैखाथि गोनां जागोन

**गोदान दिल्ली, 9 नभेम्बर:** आथिखालाव बयबो समखौं हागौमानि दिहुन्नो एबा रैखा खालामनो नाजायो। समखौं थि रोखोमै बाहायनायाव गोनांखोआ जौंखौं मदद होयो। गोनांखोआ बेरफार्से स्मार्ट बानायदौं आरो गुबुन फार्से बेयो जायखि-जाया खामानिखौं स्मार्टयै मावनोबो फोरौंदौं। बेनि मोनसे रोखा विदिन्थिया जादौं आथिखालानि रंखाथि लेन्देन खालामनाय। थानाय 15 बोसोर सिगां जौं एसे एबा गोबां रंनि लेन्देन खालामनोब्ला बैंकसिम थांथांनो जायोमोन। नाथाय जौं माखासे से के न्दआवनो गोरलैयैनो अनलाइन पेमेन्ट खालामनो हानाय



जाबाय। मख'जाथावदि, अनलाइन पेमेन्टआ ट्रेजेक्सनखौं गोलै खालामदौं आरो गुबुन फार्से बेजौं अनलाइन थगायनायाबो बांदौं। क्रेडिट कार्ड एबा डेबिट कार्डनि डिटेल्स आरो डाटाखौं सिखाव खावजानो गिनांगौआ बांसिन्दौं। बेफोर खेफोरखौं खम खालामनायनि थाखाय

जौंहा भार्चुएल क्रेडिट कार्डनि अप्पनबो दड। बे कार्डआ फिजिकल क्रेडिट कार्ड बादिनो। गहायै बेखौं अनलाइन पेमेन्ट खालामनो थाखाय डिजाइन खालामनाय जादौं। बे कार्डखौं बैंकआ हरो आरो फिजिकल क्रेडिट कार्ड एकाउन्टजौंनो लिंक गोनां जायो। बे कार्डआव अरयथा नडै नम्बर थायो। बे नम्बरनि

गेजेरजौं नोथाडा अनलाइन प्लेटफर्मआव शपिं बायदि खालामनो हायो। बे कार्डआ शपिं आरो कार्ड डिटेल्सखौं मोनसे लेयारआव सिकिउरिटी होयो। भार्चुएल क्रेडिट कार्ड बानायनो थाखाय इजजारहा बेक एकाउन्ट थानाय गोनांथा। बे कार्डखौं

## बांलादेशनि लामाफोरव हिन्दुफोरनि धर्ना



**ढाका, 9 नभेम्बर:** बांलादेशनि बाराग' गहाइ मन्थि खालिदा जियानि दैदेन्नाय बांलादेश नेसनेलिस्ट पार्टी (बिएनपि) नि रोजा-रोजा मावसुमाफोर शुक्रबारखालि हादरनि रजथावनिआव रेलि खालामदौं आरो गोदानै बिसायख'थि खालामनानै थासारिखौं साबसांहोनो दाबि दैखानदौं। आगस्ट दानआव हादरआव गोबां धर्ना खालामनायनि उनाव बै समनि गहाइ मन्थि शेख हासिनानि बांलादेश नागासनायनि उनिफ्राय महम्मद इन्नुसनि दैदेन्नायाव हादरआव इन्टैरिम सरकारआ खामानि मावगासिनो दड। बेयाव बे बांलादेशनो फोरमायनाय जादौंदि, बंशबाद रजखान्थिनि बिथिखव हासिना आरो जियाआ गहाइ रजखान्थि दैदेनगिरि। जियाआ आथिखालाव बेरामआव गोमलैनाय दड आरो बियो रेलिखौं दैदेन्नायाव फेलें जादौंमोन। बिनि देरसिन फिसान्जला तारिक रहमानआ बिनि उनि बिबानगिरि जायो आरो बियो 2008 निफ्रायनो बिसायख'थियाव बाहागो लाबोगासिनो दड। अदेबानि बिएनपिआ इन्टैरिम सरकारनि सायाव थाबैनो साबसांनय लाबोनो आरो बिसायख'थि खालामफिन्नो थाखाय नारसिनगासिनो दड। बेनि गेजेरजौं रहमानआ लन्देनिक्राय भिडिअ कन्फोरेसनि गेजेरजौं बुंदौंदि, इन्टैरिम सरकारखौं जायखि-जाया थासारिआव फेलें जाहोनो नाड। मानोना सरकारआ हादरआव रहा लाबोनो थाखाय गोब्राब सेलेन्सजौं मोगा-मोगि खालामगासिनो दड।

## ट्रम्पखौं बुथारनो खैसार साग्रा सानै सुबुंफोरखौं हमबाय



**वाशिंग्टन, 9 नभेम्बर:** आमेरिकानि बिजिरगिरि बिफानआ ट्रम्पखौं बुथारनो फेलें जानाय इरानि खैसार सानायव लोखा थानाय दायनिगिरिफोरखौं शुक्रबारखालि हमो। मेनहट्टननि बिजिरसालियाव थिसन्याय मोनसे अजदआव दाय जाबसिनोदि, इरानि पेर मिलिट्रि रिभल्युशनारी गार्ड (आइआरजिस) नि सासे बिबानगिरिया थानाय सेप्टेम्बर दानाव सासे सुबुंखौं ट्रम्पनि सायाव नोजोर होनायै बुथारनायनि बिथांखि लानो थिन्दौंमोन।

फरजाद शकेरी मुनि सासे सुबुंनि बिथांखि बानायनायाव फेलें जानायनि सायाव बिबानगिरिया बिथो बुंदौंमोनदि, इरानआ बिसायख'थिनि उनिसिमाव बे बिथांखिखौं दोन्थ'नांगो। मानोना ट्रम्पआ जेनोब्ला बिथो बुथारनाया गोरलैसिन जागोन होन्ना बियो गनायना लादौंमोन। आमेरिकानि बिजिरगिरि बिफानआ 51 बोसोर बैसोनि शकेरीखौं

इरानि पेरमिलिट्रि रिभल्युशनारी गार्डनि एजेन्ट होन्ना फोरमायना बुंथिगिरि, बिसोर सासे उन्दै गथ' महेर आमेरिकायाव फेदौंमोन आरो डकेतीनि दायनि उनाव 2008 माइथायाव बिथो हादरनिफ्राय होखारहरदौंमोन। बिमा-बिफाफोर बिथो इरानाव दड होन्ना गनायना लादौंमोन। बिजिरगिरि बिफानआ फोरमायोदि, शकेरी आ निउयक'नि सासै थागिबि कालिस्ले रिभेरा आरो जनान लउहल्टजौं लोगो हमनानै गावनि खैसार सानायव लाफाना ट्रम्पखौं नोजोर होनो थियायि खालामदौंमोन। बेनि गेजेरजौं रिवेर आरो लउहल्टखौं कर्टसिम लानो थाखाय जिम्मायाव लाखिनो बिथोन होदौं।

## गिरिजानन्द चौधुरि इउनिभार्सिटीआव हाग्रानि जिब संदानग्रा मिरु बेखेवगोन

**गुवाहाटी, 9 नभेम्बर:** आसामआव गिरिजानन्द चौधुरि इउनिभार्सिटीआ गावनि सेन्टार फर वाइल्डलाइफ एन्ड एनभिरमेन्टेल स्टुडिजनि मावख'थारि लन्थखौं फोसावनो थाखाय गोसो गुडुडै थियायि खालामदौं। बोथोरारि आबहावनि सेलेन्सफोरखौं रोखा सावरायनायनि अनगायै बेयो हाग्रानि जिबफोरनि थाखाय गिदिर खेफोदजौं मोगा-मोगि जानायनि थाखाय बाउसोमनाय मोनसे हाबाफारि। सेन्टरखौं फैगौ 19 नभेम्बर 2024 आव मोनसे जर'खा



फोर्बौजौं लोगोसे बेखेवनाय जागोन, जेराव सोलौंथाय मिरुनि फोरौं गिरि, फरायसाफोर, नोगोरारि समाज

आफादफोर आरो सरकारनि जर'खा बुंथिगिरि आरो बिबानगिरिफोर बाहागोयारि जागोन। बे हाबाफारिआव आसामनि आबहाव आरो हाग्रा मन्थि चन्द्र महन पाटवारिआ गहाइ आलासि जागोन। साननैनि हाबाफारिआव आबहाव जर'खागिरिफोरनि गेजेराव सावरायनाय आरो आसामनि गुबुन गुबुन बाहागोनिक्राय फेनो गोनां गोर्जिसिन गेजेर थाखो आरो बेनि गोर्जिसिन फरायसाफोरनि थाखाय बादायलायनाय

हाबाफारि खुंनय जागोन। हाग्रानि जिब आरो आबहाव संदानग्रा मिरुखौं गंसे बां आयदायारि मिरु महेर डिजाइन खालामनाय जादौं, जायनि थांखिआ हाग्रानि जिब रैखाथि, आबहाव रैखाथि आरो दिदोमथिनि बागै गोदान संबिजिरनाय, ट्रेनि आरो सांग्रांथिखौं बांहोनयनि थाखाय फरायसाफोर, फोरौं गिरिफोर, समाजनि बाहागोयारि आरो सरकारि एजेन्सिफोरखौं जयै लाबोनाय। सेन्टरनि थांखिआ इयुनिनि दैदेनगिरिफोरखौं बे गहाइ आयदाफोरखौं नैभिगेट खालामनो थाखाय गोनांथाय गियायन आरो कौसलजौं लेस एबा फोनांजाब खालामनाय।

**पाटना, 9 नभेम्बर:** बिहारआव नक्सालिफोरनि ओन्सोलआ लान्थि यै बांलागासिनो दड। सा बिहारखौं नक्सालिफोरनिक्राय उदां खालामनायनि उनाव आथिखालाव खोला बिहारनि फाला फेबाय। बेनि थाखाय झारखन्डजौं नांजाबनाय नक्सालिफोरजौं गोहोम गोरलैनाय ओन्सोलफोरखौं सिनायथिनानै रैखाथि आरो फोसावदिनि गेजेरजौं गोखौं खालामगासिनो दड। बे हाबाफारिआव झारखन्डनि सिमनायाव गं 11 गोदान रैखाथि के म्प गायसननो बिथांखि लादौं। बेरफार्से फोसावदिंखौं गोखौं



खालामनो थाखाय मबाइल टावरबो लागायनाय जागोन आरो जानाग्राआव थानाय हाजो आरो हाग्रा ओन्सोलफोरनि मोन 55 जायगाफोरखौं सिनायथिनानै मबाइल टावर लागायनायनि थांखिखौंबो मिरु सरकारनो गथायदौं। बिफानयारि रिपटनि बादिब्ला, थानाय 6 बोसोरफोरव नक्साली गोहोम

ओन्सोलफोरव नक्सालीफोर बांसिने गोहोम खोखलैयो। बे ओन्सोलफोरव गोदान रैखाथि के म्प गायसन्नाय जागोन, जाहाथे नक्सालीफोरनि हाबाफारिफोरनि सायाव नोजोर लाखिनो हायो। बेनि थाखाय जायगाखौंबो सिनायथिना लानाय जाबाय। बेजौं लोगोसेनो मबाइल टावर प्रजेक्ट फेज एक्टनि गेजेरजौं मोन 250 सिनायथिनाय साइडआव फोसावदिनि गुन्खौं बांहोनो थाखाय फर-जी आपग्रेडेसननि खामानिआ थाबथानानै दड। बे खामानिया थानाय बोसोरनि डिसेम्बरवनो जानांगौमोन, जाय दासिमबो जानो हायाखै।

**Job Vacancy**  
International Standard Certified Company आव गोदानै दालासा मावख' (Branch Office) सामलायनो थाखाय सा 65 हिन्जावसा आरो हावसाफोरनि गोनांथि जादौं।  
**संग'थि:** बिजाथिआ मेट्रिक एबा ग्रेजुएट जानांगोन।  
**बैसो:** 20 निफ्राय 35 बोसोरनि गेजेराव जानांगोन।  
**आर्जिनय:** 10,000, 16,000, 20,000 आरो 30,000 मासिखौं लानानै जागोन। बेसेननाडै थानायनि खाबु दड।  
**फोनांजाब:** 7576048778, 7002632599 (कक्राझार)

No: BTC/SYW-03/2024/146 Dated 8<sup>th</sup> Nov., 2024

**NOTIFICATION**

The Bodoland Territorial Council is pleased to organize Pre-Recruitment Training (Physical Test & Medical Test) for the youths of the Bodoland Territorial Region in connection with the ensuing Recruitment Rally in the Infantry Battalion (Territorial Army) to be held w.e.f 22<sup>nd</sup> Nov. 2024 to 26<sup>th</sup> Nov. 2024 (22<sup>nd</sup> Nov. Kokrajhar, 23<sup>rd</sup> Nov. Udalguri, 24<sup>th</sup> Nov. Tamulpur, 25<sup>th</sup> Nov. Chirang & 26<sup>th</sup> Nov. Baksa) at 7<sup>th</sup> A.P.Bn. Charaikhola, Kokrajhar, BTC as per scheduled shown below:

Sl. No.	District	Sub-Division	Date & Time	Venue
1	Kokrajhar	Kokrajhar	17/11/24, 10.00 AM	Govt. H.S. & M.P. School Playground
		Gossaigaon		Gossaigaon, H.S. School Playground
		Parbatjhora		Mini Stadium Parbatjhora
2	Chirang	Bijni	17/11/24, 10.00 AM	BDSA, Playgound, Bijni
		Kajalgaon		Kajalgaon, Stadium Playground
3	Baksa	Salbari	19/11/24, 10.00 AM	Sports Complex, Salbari
		Mushalpur		Mushalpur, H.S. School Playground
4	Tamulpur	Tamulpur	18/11/24, 10.00 AM	Tamulpur, H.S. School Playground
		Bhergaon		Bhergaon, Mini Stadium Playground
5	Udalguri	Udalguri	18/11/24, 10.00 AM	Udalguri, H.S. School Playground

Further, free coaching for the written examination will also be conducted for those candidates who qualify in Physical & Medical Test and the date for the same will be communicated after the end of the Physical and Medical Test.  
Sd/- Joint Secretary Cum OSD to  
HCEM, BTC, Kokrajhar

IPR(BTC)/C/2024-25/839

## मानास माहारियारि हाग्रायाव मोसाफोरनि अन्जिमाआ 3 गुन जाहैबाय: सार्भे

**गुवाहाटी, 9 नभेम्बर:** मोनसे गोदान सार्भेआव फोरमायनाय बादिब्ला, आसामनि मानास माहारियारि हाग्रायाव मोसाफोरनि जाफुंसारनायनि मानखौं गोबाव समनिक्राय हाथियारनि दावहाजौं भुगिनांनयनि उनाव मोनसे गिदिर धोन, बांनोनाय रैखाथि, गुदि बिथा आरो मोनसे गिदिर मावफारिया हान्जानो होयो। सार्भेआ इसारा होदौंदि, टुरिस्ट टेक्सआ सामलायनायनि बाजेटखौं बांहोदौं, जाय बदलै 500 बर्ग कि:मि: पार्कआव जौगानायखौं मदद होदौं। जायगानि थागिबिफोर, सरकार आरो सरेखाथि एजेन्सिफोरखौं थिसन्नायै समान्थियै नाजानायनि फिथाइ महेर उनि

अन्जिमाया 2011 आरो 2019 नि गेजेराव 3 गुन जादौं। जानैल अफ बायलजिके ल कन्जाभेसननि रिपटआव हाग्रानि जाफुंसारनायनि मानखौं गोबाव समनिक्राय हाथियारनि दावहाजौं भुगिनांनयनि उनाव मोनसे गिदिर धोन, बांनोनाय रैखाथि, गुदि बिथा आरो मोनसे गिदिर मावफारिया हान्जानो होयो। सार्भेआ इसारा होदौंदि, टुरिस्ट टेक्सआ सामलायनायनि बाजेटखौं बांहोदौं, जाय बदलै 500 बर्ग कि:मि: पार्कआव जौगानायखौं मदद होदौं। जायगानि थागिबिफोर, सरकार आरो सरेखाथि एजेन्सिफोरखौं थिसन्नायै समान्थियै नाजानायनि फिथाइ महेर उनि



थासारिआव जाफुंसारनाय हरिफोर एबा बायडइभासिंखौं मोनफुनो हागौं। सुलुनि बादिब्ला, आइन बेरेखा मैहुर खालामनाय आरो थाग्रा जायगानि खहा बायदि सेलेन्सफोर दासिमबो दड, जाय मोसाफोरनि अन्जिमा महेर बेनि

लोगोसे इन्टारनेसनल आफादफोर जायगानि हरिफोर आरो हाग्रा सामलायग्राफोरजौं लोगो लानानै मख'जाथाव हाबाफारि मावनो नाजादौं। बेफोर हाबाफारिआ हाग्रानि मिथिगायारि सम्पदफोरनि सायाव सुबुंफोरनि गोखौं सोनारनायखौं खम खालामनायाव बिहोमा होदौं। सुलुनि बादिब्ला, थानाय 10 बोसोराव जायगानि सुबुंफोरनि पार्कआव हाबनाया खम जादौं। मानोना पार्क नि मावफारियाफोरखौं पेट्रुलिं खालामनाय आरो सांग्रांथिनि गोखौं ट्रेनि होनानै थिसन्याय जादौं।



## एशियानि धोनिसिन गामिया बबे आरो बबेयाव दड मिबथिगौना?

हादत आरो मुलुगनि गोबां खौरांफोर औरैबायदि दड, जायनि बागै जौं मिबथिया। गोबां सुबुंफोर बेबायदि, बाश्राफोरखौं नोजोर होया आरो गोनांथिबो लाया। जेब्ला बबेबा गुबुन जायगाफोरव दावबायहैनायनि बाश्रा सानो अब्ला बेनि जायगाफोरनि बागै मिबथिनो लुबैनाया बांसिन जायो आरो दावबाय हैयोब्ला गोबां गोदान खौरां एबा गियान मोनो। जायफोरा जौंखौं सोमोहोयो। गामिफोरनि बाश्रा बुडोब्ला, गिबियावनो सान्नाया फैयोदि, बेयावनि धाग्रा सुबुंफोरा रांखाथियारि महरै गोखौं जाया। अदेबानि भारतनि दरसे गामिया एशियानि गेजेरावनो गावनि मुंखौं गोसारहोनी हादो। बे गामिया गासै एशियानिनो धोनिसिन गामि। गुजरात राइज्योन कच्छ जिल्लानि मदारपार गामियानो एशियानि धोनिसिन गामि, जेराव गं 17



बेंक दड, जाय 7,600 नख'फोरनो सिबिथाय होयो। बे बेंकफोराव गामियारिफोरा औरैबायदि रां जमा दोनोदि, बेयो एशियानि धोनिसिन गामि जानो हायो। गामियारिफोरा 7,000 कौटि रां बेंकआव जमा दोन्नाय दड, बिसोरो थोजासे सेभिंस खालामनाय आरो इन्भेस्ट खालामनायनि थाखायबो मिबथिसार जायो। बेफोरनि अनगायैबो बे फिसा गामिनि मख'नो गोनां बाश्राया जादो,

बेयावनि गोबां सुबुंफोर गुबुन हादतआव थाहैयो। बिसोरो रां आरजिनयनि मोनसे गिदिर बाहागोआ गामिनि बेंकआव जमा खालामो। गामियाव बांसिन सुबुंफोरा सिगांआवनो 22 लाख रां फिक्सड डिपजिट खालामना दड। बेयावनि थागिबिफोरा रांखाथि महरै उदां आरो रैखाथि गोनां जाना थानायाव गोखौं नोजोर होयो। बेनि जाहोनावनो बिसोरो माखासे

बोसोरनि गेजेरावनो एसेबां रां सेभिक्स खालामनो हादो। मदारपार गामिनि धोनि जानायनि मोनसे गिदिर जाहोनावनो बेबोदि, बेयावनि सुबुंफोरा ऐस्ट्रे लिया, आमेरिका, ब्रिटेन आरो आफ्रिकान हादतफोराव थानानै रां आरजिहैयो। बे गामिनि बांसिनानो एनआरआइ महरै गिदिर साखि, कन्सट्रक्सन सेक्टर, फालांगि बायदि फोथाराव खामानि मावयो।

## दुखुथिया

आं दुखु थिया आइ' आंनि दुखुखौं सोरमिथिनो सोर गाबदो सोर मिनियों बेखौं सोर मिथिनो? आं बायदि दुखुथिया रावखौंबो नुवाखै आं मालायखौं नुयो आं रंजा बाजा आय' हाबाव आंलाय बेसे दुखुथिया आंलाय बे बुहुमाव थैनाथै थानायानो साबसिन। आनान गसायखौं गाबजियो आं गोदाव सोराव आंनि दुखु दाहाखौं हेफाजाव होनो। सिमांआव नुदोमोन आं आनान गसाइखौं गसाइआ बुंदो नो दुखुथिया नख फिसा। मानसिन खुलाव नो जोनोम मोनदो बुहुमाव जोनोम मोनदो रंजा बाजा था।

मुसि: दैथुन नार्जारी  
गामि: औवावारि  
बिसमुरी

## आश्रमनि सासे अनजालि

मोजां मोन्दोमोन आं बै गोजोन आश्रमनि, सासे अन्जालिखौं नाथाय आंहा गैया बेखौं मोन्नायनि राहा। थायो बियो आंनि बेसेबा गोजानाव नाथाय सायखेल' बेनि महर, आंनि खाथियाव हास्थायदोमोन आं बेखौं खाथियाव। फन'नि गोदै रावजो नेवसि लांबाय बै अन्जालिया आंखौं नुहरस' हायै बेसेबा गोजोनाव।

नबेल ब्रह्म  
गामि: माइबं नोगोर

## गोमोरनाय जायखलं

आंनि गोसोनि अखांआव दानदिसे नुजादोमोन मोनसो समायना- रमायमा, जायखलंनि गाबआ। दसे समनि गोहोखौं लानानै मोफ्लाम गासे जाखं फैदोमोन नोनि सावगारिया आंनि गोसो गोरनि आयनायाव। नाथाय मानिबा हरखाबै आं मिथिस्ताबैनो' बे जायखलंआ गोमोर लाडे। थेर बेथेर बायफले लांबाय आंनि मोजां मोन्नायनि गंसे देराया अराय समनि थाखाय।

मुसि- गोथार बसुमतारी  
गामि- सा खालुगाव  
जिल्ला- कक्राझार

## हाथरखि

नै नो हाथरखि अखां बिखायाव थाग्रा। आंनो नो मानो सोराल होफैयो। आंखौं नुब्ला नो मानो गोमजोर गोमजोर जौंथियो' मानो रायदाव हरा। आंनि गोसोआ नोखौं नुब्ला मानो बावगोमायो आं मिथिया हाथरखि। एखमब्ला नोखौं नुनो मोना आरो एखनब्ला नोखौं ननिफ्राय आंखारब्लानो नुनो मोनो। नो मानो जेब्लाबो नुजातो साना हाथरखि? नोनि बे मोदानाय, जौंनिथ महरखौं लानानै नो आंनिसिगांआव नुजाबाय था। नोनि बे जौंथि महरजो मोनायाव मोदान होनो हायाब्ला नो मानो हाथरखि मुं लाखो? नोनि बे मोनायाव जौंनायखौं नुवाब्ला आंनि गोसोआ सोरां जानो हाया। नो आंनि गोजीआव थाना सोरां हर हाथरखि। जेब्लाबो नो आंनि सायाव सोरां हर हाथरखि। नो आंनो सोरां होनांगोन हाथरखि मिथिखा।

अरगे बसुमतारी  
गामि- उलुवारी  
ला.सो:- रन्साइधाम  
जिला- चिरां बि टि सि

## जौनि बड'लेण्ड

अनलायनायनि बिखायाव थानाय दरसे फिसा बर' गामि; खौंसेथिजो सोरजिजानाय जौनि गामि। बेसे समायना जौनि बड'लेण्ड थोब्लेद माब्लेद, दरब्रे गामियानो बेसे समायना दं गोजोन अनलायनाय। हेफाजाव होलायनाय; दोहो जांखिखानाय जौनि बड'लेण्डआव। गावजोगाव दड अनलायनाय विदा फंबायनि खौंसेथि आय। मासे समायना देखो बे बड'लेण्डनि.....। बिखायाव हाबाव मादि, जौनि बड'लेण्ड।

उटम कुंगुर नार्जारी  
गामि: बेलगुरि  
ला.सो.-आफ्लागाव

## रंजालि गथ'फोरनि सौरा

### आखाइ

आखाइ थाइनेखौं सोमावाब्ला गोलोमदैफोरखौं गहोआब्ला बिखानि थैखौं दै खालामाब्ला उदै थाइसेआ वुंगोनना लोगो? मावमुजिबि एबा आबादारि फोरा आखाइ थाइनेखौं सोमावो बिसोर, सान्दुं अखा-हर सान अब्लासो खबसे मोनजायो माखासे सुबुं फोरा। मावमुजिबिनि आखाइ थाइनेजो हाथुरि देये देये खुसेर गोरानखौं बिदै बरनो, आबाद थिलिखौं खांसोर खालामो आबादारिनि आखाइजो सोहोरनि गलि फोरा साफा जायो मावमुजिबिनि लेश्रा आखाइजो। नै आजोला-बिबायारि बादि गथ'नि मोजांनि थाखाय खर'आव बिलिरनोल' नख। मोजांनि समाव लोगोफोरखौं सानख' हाया, निदाननि समाव रावबो नाथाय नायफिन फैया लोगो-आखाइ थाइनेआसो नोनि थारे लोगो। बिनिखायनो सोमाव आखाइ आखाइ हेबना थायोब्ला र'सा नांगोन, मोजां बिमावनि मोजां फिथाइ अब्लासो मोननो हागोन।

पबित्र ब्रत दैमारी  
ग'लाघाट

### नेहाद मिजिं

आं नो आरो बयनियावबो दं सिरियै गोसो सिडव, सुखु आरो गोजोननि मिजिंआ मोगथां संसारनिफाइ जानगारना सोरनिबा गोब्राब हेथायाव। सारा बुहुम संसारनि बिखायाव दुखु-हांमानिल' रेस गालांन। जायनि थाखाय संसार बिखायाव सानफा-एफा साग्लोबबोगो, बारख'हायै जेना आरो जेना बे जेनायानो फारियै जागोन रोजाबां गिथाव फाफनि फिथाय। जायनि फानआव नांन थायोब्ला हास्थायखुमानाय गोसोनि मिजिंआ गोजाननिफ्राय गोजानसिन जालांगोन, सिरि सिरियै संसारा जोबथागोन, गाबनांनय-दुखुआव गबलांगोन, साननाय गावखौं बयनिखुइ देरिसिन जाहेगोन बै सम बुब्लियाव संसारआव गावनो बयनिखुइ नेहातसिन।

-बिरखां नार्जारी

### माइ निउ गार्ल

ओइ रुपाली-ओइ रुपाली दिनैनिफ्राय जाबाय नो आंनि अन्जालि गोदान। बेसेबा गोबाव सम आं नोखौं मोजां मोनोमोन। नाथाय दिनै आं नोनि सिगाइव नोखौं मोजां मोनो बुंबाय मिनाय गोसोखौं लाना बे बुंसेआवबो नो आंखौं हेथा होयाखिसै। जानो हागो, नोबो आंखौं, आंबो नोखौं डांटेआ जैरे बियेट्रिजखौं मोजां मोनो बे बादिनो जौंबो सानैजो मोजां मोनलायोमोन। बेखायनो दिनैनिफ्राय नोबो आंनि अनजालि गोदान ओइ रुपाली, ओइ रुपाली आंबो नोनि अनजालु गोदान ओइ मावथेन, ओइ मावथेन।

मिथिसार बसुमतारी  
गामि:-दत्तमा ( गयवारि )

### दांगुवानि सिमां

सुजुदोमोन सिमां नोखौं लानानै रनसायदोमोन मिजिं गोजोन संसार जानायनि हांनिथदोमोन गोलाव लामा आन्दायनांबाय समनि फाखनाव। गोमाबाय बहाबा आंनि मिनिनाय गोमाबाय बहाबा आंनि अनजालि दानो दं दानो गैया सुबुंनि जिउआ थास' बिलाइयावदि दै थाया। गैया नख दडमोन सासे मोजां मोननाय खालाम लांबाय बियो आंखौं जोबोद अयनाय रायलायदोमोन मोजां मोनलायनायनि गोदै राव थाडेथुडेजाहेबाय जोराव राव। सुजुदोमोन मोजां मोननायनि दौंसे मेथाइ जाहेबाय दौंसे खन्थाइ सान्दोमोन जुलि लागोन होनना नाथाय दंखायो बेहा गंसे बोराइ मटरसाइकेल।

फुजाराम औवारि  
गामि: खैलाजुलि ( मुगासं ),  
बिस्वनाथ

### थाथिलि

नैबे बुहुमआ सुबुंनि थाथिलि बेसेबा गोजोन सुदम रंजा बाजा बायदि आसारनि सुबुं सोदोमसि दंनाय मानि जिब सोरजिनि थांनाय थैनाय बुब्लि मोनसेनि सोरगिदिं बेयावनो थावनि, मावनाय दांनाय हाबा हरिमु सुसि सिनायथि बेसे जौगाथिनि अननाय बजबनाय सान्नि बोहैथि गोरोबथि बयनिबो आंगो, दाउमा दावसा बिफां लाइफां सोरगिदिं मिथिंगा बोहैथि बारनि बिलिरनाय नुवाथारि सोरजिनय लैथो लैथोमा हाजो हाजोमा सोरजिनि नुथाय बेसेबां गाबनाय मिनिनाय बायदि मैया मिथिंगा सोरजि बेनो जौनि आंगोनि थाथिलि।

प्रदिब रामसियारि  
सा देखियाजुलि

### निदाननि समाव

निदाननि समाव इनाय अनागारिफोरखौं फोजोबस्तानो गोसो जायो

नाथाय बिसोरखौं माबोरै अदेबानि सासे सुबुंसो!

सखिराम बर'  
राबां, बागसा

### सान

मा एसेबां गिदित नो; सानबाबो मिथिस' हाया, नुहरो नोखौं थानो हाया नोनिमिस। नोनि बे बादि जौनायाव आं गोमोयो दाउसिन-दाउला, जिब-जुनाद; एम्फ्रै-एनला सुबुंफोरनि थाखाय, गाहाम हाबा मावो नो। बानायो नोनि स्रांआव लाइफांआ आदार नुह'रो नोखौं साया सायखं। मोब्लिबनि जौंथि माथि जौनाय बादि दं नो बे गुवार अखांआव सोर अबंलावरिया सोरजियामोन। सोरजिगिरिनि फारसे एसेबो मिथिया सोरजि जादो नो बबे समाव। बेसेदि गोमोथाव नोनि बे दुनायाव बुहुमनि खावसे बाहागोआ रानस्राव बालाबारि जादोमोन। सुबुंफोरा बुडे बो साना बेसेदि समायना दं बेहा गावनि जौनाय बुहुमा साननि सोरगिदिं गिदिंओ।

प्रह्लात बसुमतारी  
गामि: साउट सुखानजरा  
कक्राझार



# डनाल्ड ट्राम्प आरो एलन मास्कआबो हादतगिरि जेलेनस्किजों सावरायदों

गोदान दिल्ली, 9 नभेम्बर : आमेरिकानि गोदाने सायख 'जानाय हादतगिरि डनाल्ड ट्राम्पआ बुधबाराव बिसायख 'थि देरहासारनायनि उनाव गिबि खेब इउक्रेननि हादतगिरि भल 'डिमिर जेलेनस्किजों फनआव सावरायो, मख 'जाथावदि, फन कलआव बिथांजों लोगोसे मुंदांखा उद्यगयारि एलन मास्कआबो दंमोन। ट्राम्पआ दासिमबो रासियानि हादतगिरि ब्लाडिमिर पुतिनजों सावरायाखै। बिसायख 'थि फोसावदिनि समाव ट्राम्पआ इउक्रे ननो हरनाय रांखाथियारि मदतखौ अजद होदोंमोन। बेनि उननिफ्रायनो इउक्रे नआ जिंगा सिदोंमोन। नाथाय सानै दैदेनगिरिनि गेजेराव मख 'जाथाव बाश्रा सावरायनाय जायो। डनाल्ड ट्राम्प आरो एलन मास्क आ जयै हादतगिरि जे लेनस्किजों सावरायनाय मास्कआ जोबोद गोहोम गोनां सुबुं होना फोरमान होयो। ट्राम्पआ खुंथाइयाव बिनि आलादा



जायगा जागोन। बेनि सिगां मास्कआ तुकिनि हादतगिरि हेसेप तैयप एदंआनजों ट्राम्पआ फनआव रायज्जालयनायावबो बाहागो लादोंमोन। बिसायख 'थि फोसावदिनाय समाव डनाल्ड ट्राम्पआ बुंदोंमोनदि, हादतगिरि जायोब्ला बिथाड गिबियावनो रासिया-इउक्रे न दावहाखौ फोजोबनो हागौ। मख 'जाथावदि, ट्राम्पआ फैगौ जानुवारीयाव हादतगिरि

बिबानखौ आजावगोन। एक्रियसनि रिपट बायदिल्ला, थानाय 2 दाननिफ्रायनो डनाल्ड ट्राम्प आरो जेलेनस्किनि टिमिनि गेजेराव सावरायलायनाया सोलिबाय थदों। थानाय बुधबाराव हादतगिरि जेलेनस्कि आरो ट्राम्पआ 25 मिनटसिम सावरायदों। बे समाव जे लेनस्कि आ बिथांनो देरहासारनायनि हामब्लाइथि होयो आरो ट्राम्पआबो इउक्रेनखौ मदत होनायनि बाश्रा

बुंथियो। फारसेथि एलन मास्कआबो बुडोदि, बिथाड गावनि स्तरलि सेटेलाइटफोरनि गेजेरजों इउक्रे नखौ मदत होलांबाय थगोन। थानाय सेप्टेम्बराव आमेरिकायाव दावबायहैनाय समावबो मास्कआ ट्राम्पजों लोगो हमदोंमोन। बेराफारसेथि बाइडेन खुंथाया 20 जानुवारीनि सिगां इउक्रेननो सान्शियारि मदत हरनायनि सायाव हाबा मावगासिनो।

# बोथोर बिफानआ बोथोरनि गोदान आपडेट फोसावदों

गोदान दिल्ली, 9 नभेम्बर :दिल्लीआव दिने मिनमाम बिदुडा 20.05 डिग्रि सेल्सियासयै दिखानो मोनाय जादों। हादतआव बे खेबाव गुसु जानाया गोबाव जादों। आथिखालाव माखासे ओन्सोलाव गुसुआ जागायबाय। नाथाय दासिमबो दिल्ली-एनसिआरआव गुसुआ सोहैयाखै। दिल्लीयाव आबहावाया गुबुले बांनयजों फारफ्रोमथिंजाय उखुन्दैया साग्लोबदों। बोथोर बिफाननि फारसेनिफ्राय नुजाथिनाय खौरनि बायदिल्ला, दिल्ली आरो बेनि खाथि-खालानि ओन्सोलफोरव गुसुखौ माखासे सान नेबावनांगोन। दिने फुडवबो दिल्लीयाव उखुन्दै खुनायखौ नुनो मोन्दों। दिल्लीयाव दिने साननि बिदुडा 32 डिग्रि सेल्सियाससिम सौहैनो हागौ आरो मिनमाम बिदुडा 18 डिग्रि सेल्सियाससिम थानैनो हागौ। सा भारतनि माखासे राइज्योफोरव फुं आरो बेलासिनि समाव सरसन्हा गुसु मोन्दों।



नाथाय सानाव दासिमबो गोखों सानुं ओंखारनायनि जाहोनाव गरम मोन्दों। बिफाननि बायदिल्ला, दिनेबो इउपि-बिहारनि माखासे सहरफोरव खुवा खुनायनि मिजिं दं। बेनि गेजेरजों तामिलनाडु, पडुचेरि, केरेला आरो कराइकलआव दिनेनिफ्राय 14 नभेम्बरसिमाव

गोबां अखा हानो हागौ, जायखौ लानाने आइएमडिआ येल' एलार्टबो फोसावदों। बेरा फारसे, आइएमडिआ तिरुवनन्तपुरम, कल्लम आरो पथानामथिट्टा जिल्लाफोरनि थाखाय अरेन्ज एलार्टफोसावयो। बेनि अनगायै अल पुझा, कट्टायम, एर्नाकुलम आरो इडुकी जिल्लाफोरनि

थाखाय 'येल' एलार्टफोसावो। फारसेथि राजस्तानाव गुसुआ आगान होनाय आरो बेयाव फुं आरो बेलासि समाव गुसु मोन्दोंनो हमबाय। बेनि गेजेरजों फैगौ सानफोरव राजस्तानाव बिदुंआ दावखलायनो हागौ, जायजों गुसुआ बांनो हागौ। होना बिफाना फोसायदों।

## कानाडाआ खालिस्तानखौ मदत खालामनाय बाश्राखौ जास्टिन टुड'आबो सिमान लाबाय



गोदान दिल्ली, 9 नभेम्बर : कानाडानि गाहाइ मन्थि जास्टिन टुड'आ खुला-खुलियै कानाडाआ खालिस्तानखौ मदत होनाय बाश्राखौ सिमान लादों। भारतआ गोलाव समनिफ्रायनो कानाडायाव खालिस्तान मदतगिरि अलगगावदिफोरखौ फिन्नायनि दाय जाबसिनबोबाय थदों। आथिखालाव टुड'आबो खुलायै बे बाश्राखौ सिमान लाबाय। बेजों लोगोसे बिथाड बुडोदि, कानाडायाव थाप्रा खालिस्तान मदतगिरिफोर सिख फोलेरखौ दैदेना। बिथा बुडोदि, कानाडायाव पिएम मदिनि माखासे मदतगिरिफोर दड। नाथाय बिसोरोनो बेयाव गासै हिन्दुफोरखौ दैदेना। 3 नभेम्बरव कानाडानि ब्रेम्पटनाव थानाय हिन्दु सभा मन्दिरव उतखारिफोर गाग्लोबदोंमोन। बे समाव उतखारिफोर आइजो आरो गथ 'फोरनि सायावबो गाग्लोबदोंमोन। बे गाग्लोनायनि भिडिअ नुजाथिनायनि उनाव खुद्विखानाया गोसरो। भारतनि गाहाइ मन्थि नरेन्द्र मदिआबो गाग्लोबनायखौ सोंखारिदों। थानाय 6 नभेम्बरव जास्टिन टुड'आ हाउस अफ कमन्सआव हिंसायारि जाथायखौ सोंखारिदों। बेनि थाखाय हिन्दु आरो सिख फोलेरखौ दायनिगिरि हमनो हाया। मानोना हिंसा खालामग्रा सुबुंफोरा हिन्दु आरो सिख फोलेरखौ दैदेना होनानै टुड'आ बुडो।

## रेनल्ट डारस्टारखौ टेस्टिनि समाव गिबि खेब भारतआव नुनो मोन्दों

गोदान दिल्ली, 9 नभेम्बर : फ्रान्सनि गारि बानायग्रा रेनल्टनि फारसेनिफ्राय भारतीय बाजारव थि बाजेटजों लोगोसे एमपिभि आरो कम्पेक्ट एसइउथि सेगमेन्टजों थाबैनो हेचबेक सेगमेन्टआव गावनि गारिफोरखौ अफार होनाय जायो। नाथाय कम्पानीया थाबैनो भारतआव मिडिल साइज एसइउथि सेगमेन्टआव गोदान गारि लाबोनायनि थियारि खालामगासिनो। कम्पानीया भारतारि बाजारव गावनि पर्टफोलियखौ बांहोनायनि थियारि खालामदों। मिडिया रिपटनि बायदिल्ला रेन 'निफ्राय थाबैनो गोदान एसइउथिखौ भारतआव लन्च खालामगोन, जायनि सिगां टेस्टि खालामनाय जादों। टेस्टिनि समाव एसइउथि खौ खोला भारतआव स्पट खालामनो मोन्दों। अदेबानि कम्पानीनि फारसेनिफ्राय मावख'यारि महरै बेनि खौरां होयाखै। टेस्टिनि समाव नुनो मोनाय इउनिटखौ आबुडै कभार



खालामदोंमोन एवा खोबनाय जादोंमोन। बेनिखायनो बे गारिनि बागै गुवार खौरां मोनाय जायाखै। नाथाय गोजाम बायदिनो गोदान जेनेरेशननि डिजाइनखौबो गोखों मास्कलार दौदों। बेजों लोगोसेनो बेयाव गोदान डिजाइननि अयेल व्हील्सखौबो होनो हागौ। भारतआव डारस्टारखौ दिन्थिनायनि सिगां कम्पानीनिफ्राय डाचियानि

ब्रन्डनि गेजेरजों बे गारिखौ माखासे हादतफोरव अफार खालामनाय जायो, जेराव गोबां साबसिन फिचार्सखौ अफार खालामनाय जायो। फैगौ जानुवारीआव जानो गोनां भारत मबिलिटि 2025 आव बेखौ दिन्थिनो हागौ होना आसा खालामनाय जादों। बेनि इसे उनाव कम्पानीया भारतयारि बाजारव बेखौ लन्च खालामनो हागौ।

## पाकिस्ताननि क्वेटा रेलवे स्टेशननि साखाथियाव बम बेरफुनायजों साब्रै सुबुंफोरनि जिउ ख'हा

इस्लामाबाद, 9 नभेम्बर : पाकिस्तान समाचार चेनेल पाकिस्ताननि सा-सोनाब बलुचिस्तानआव बम बेरफुनायनि खौरांआ सोरांआव फैदों। क्वेटानि रेलवे स्टेशननि साखाथियाव बम बेरफुनायजों साब्रै सुबुंफोरनि जिउ गोमायो आरो सा 30 गुबुन सुबुंफोरा जोखोम जायो। बेयो बलुचिस्तानआव जानाय अशान्तिनि गोदान जाथाय।

पाकिस्तान समाचार चेनेल जिय निउजनि बायदिल्ला, बे बेरफुनाय जाथाया रेलवे स्टेशननि बुकिं मावख'आव ट्रेनि प्लेटफर्मआव सौहैनायनि इसे सिगाडाव जादोंमोन। स्टेसनआव सानफ्रोमबोनि बायदि गोबां सुबुंफोर थुबुर जानायलाय बेवहाय गोबां अनजिमानि

सुबुंफोरनि जोखोम जानायखौ मिबथिनो मोन्नाय जादों। पुलिस आरो रैखाथि हान्जाफोर बेरफुनाय जायगायाव सौहैबाय। क्वेटानि सिभिल देहा फाहामसालियाव इमार्जेन्सि फोसावदों आरो गोबां डक्टरफोरजों लोगोसे हेफाजाब होग्रा मावसुमाफोरखौबो लिंहरनाय जादों।



गोदान दिल्ली, 9 नभेम्बर: हादतनि मानगोनां गाहाइ बिजिरगिरि (सिजेआइ) सन्जिभ खान्नाया बारग' गाहाइ बिजिरगिरि धनन्जय यशबन्त चन्द्रचुडखौ बिदाय होनाय फोर्बोंआव मोनसे गोसोआव नांथाय बिबुंथि होदों। बेयाव बिथाडा सिजेआइ डिवाइ चन्द्रचुडखौ बाख्नायो। खान्नाया बुंदों सिजेआइ चन्द्रचुडआ आजिरा मोन्नायनि उनाव सुप्रिम कर्टआव मोनसे लांदां सानसि फैसिगोन। गोदान गाहाइ बिजिरगिरिया सुप्रिम कर्टखौ साबिसन बानायलांनय आरो बेखौ समानथिनि फोथार

बानायनायनि गावनि थांखि लानायखौ जाफुलांहोनायाव बिथानि मुख'जोबनो हायै बिहोमानि थाखाय सिजेआइ चन्द्रचुडखौ बाख्नायो। शुकुबारआव सुप्रिम कर्ट बार एससिएसनआ सिजेआइ चन्द्रचुडनि बिदाय फोर्बों खुंदों। फैगौ समबारआव चन्द्रचुडआ आजिरा मोनगोन। गाहाइ बिजिरगिरि खान्नाया बुंबावयोदि, जेब्ला न्यायनि अरनबारियाव फांसे गिदिर बिफांखौ जावखुनाय जायो अब्ला दावफोरा मेथाइ रोजाबनायखौ नागारो। बारआबो आलादायै बारो आरो गुबुन बिफांफोरा बै लांदां जायगाखौ सुफुंनो

थाखाय नाजायो। नाथाय अरनबारिया सिगांनि बायदि माल्लाबाबो जाफिना। बे सोलायनायखौ समबारनिफ्राय गोथोयै मोन्दोंथिगोन। बे बिजिरसालिनि बलुआ अन्थायनि खुन्थियाफोरनि गेजेरजों लांदां मोन्दोंथिगोन। बार आरो बेन्चनि सोद्रोमाफोरनि गोसोआव मोनसे सिं-स सोदोब रिंखांगोन। बिथाडा बुंबावयोदि, चीफ नोंथाडा सासे गोखों बुंथिगिरिल' नडा, लिरनाय सोदोबफोरवबो नोंथाडा एसेबांनो गोखों। मख 'जाथावदि, डिवाइ चन्द्रचुडआ शुकु बाराव बुडोदि, जानो हागौ गासै सिस्टेमाव गाव बांसिन टूल खालामजानाय गाहाइ बिजिरगिरिफोरनि गेजेराव सासे। समबारनिफ्राय मा जागोन बेखौ आं सानखदों। मानोना टूल खालामग्राफोरा बे साननिफ्राय खामानि गैयै बेखार जासिगोन।



जानाय जायगानिफ्राय गरथाम कारतुस आरो दायनिगिरिफोरनि बाइकखौ बोखानो हायो। अदेबानि दायनिगिरिफोरा फालांगिरिखौ जिउ फोजोबनायनि उनाव ज्यति नगर ओन्सोलआव राहुल मुनि लाइमोननि न'नि बाइजोआव गुलि गावो। आथिखालाव पुलिसआ बिसोर सा 3 सुबुंफोरखौ जिम्मायाव लाबाय। पुलिसआ जाय एफआइआरखौ थिसन्दों, बेयाव लिरनाय दडदि,

8 नभेम्बरआव डिडि नम्बर 13 एनि गेजेरजों मोनसे सिंसिआइ कल फैयो, जेराव फोरमायनाय जायोदि, सा 3 हौवासाफोर मथर साइकेलआव फैनानै बिनि बिदा नदीम एवा बबि आरो बिनि लोगो सहनवाजनि सायाव गुलि गावो। बिनि बिदा नदीमखौ जिटिबि देहा फाहामसालिआव लांदोंमोन, जेराव बियो जिउ गोमायो। बेराफारसे बिनि लोगोनि आगदानि आथिडाव गुलि नाडे।

## आग्रा-लक्ष्मौ एक्सप्रेस-वेआव टुरिस्ट बासनि जाब्रबथायाव साबा सुबुंफोरनि जिउ खहा



फिरजाबाद, 9 नभेम्बर: आग्रा-लक्ष्मौ एक्सप्रेस-वेयाव थानाय शुकुबार हराव टुरिस्ट बासआ लाखिना थानाय डाम्पारआव हाबनानै आइजोजों लोगोसे सा 5 सुबुंफोरा जिउ गोमायो। बेरा फारसे सा 20 आ जोखोम जानानै दड आरो बिसोरनि गेजेराव सा 6 नि थासारिया गोब्राव। बिसोर गासैखौबो जिल्ला जुथाय देहा फाहामसालियाव थिसन्नाय जायो। बासआव गाखोनाय सुबुंफोरा मथुरयाव गथ 'फोरनि खानाय सिन्नायै लक्ष्मौ फैफिनागसिनो दडमोन। बे जाथायाव माखासे गथ 'नि बिफाफोरबो थैयो। बे जाथाय जानाय समाव बास सालायग्राया निशायाव दडमोन। लक्ष्मौनिफ्राय गथ 'फोरखौ खानाय सिन्नायै लांनय नख 'रफोरा हराव फैफिनाय समाव 10:30 रिगायाव नसरपुर थाना ओन्सोलनि माइल स्टेन 49 आव बे जाथाया जायो। जाथाय जानाय समाव बांसिन दावबायारिफोरनो उन्दुगासिनो दडमोन। बे जाथायनि सोदोब खोनानो मोन्नानै खाथि-खालानि गामियारिफोर फैयो। उनाव एसपि अखिलेश भदौरिया आरो इउपिडानि टिमआ खोरों मोन्नानै जाथाय जानाय जायगायाव सौफैयो। बेनि उनाव जोखोम जानायफोरखौ दिहुन्नानै 108 एम्बुलेन्सजों देहा फाहामसालियाव लांनय हाबाफारिखौ जागायो। हर खोमसि जानायव पुलिस टिमआ बेयाव गोबां जेनाजों भुगिनाडे। हर गेजेराव 30 बोसोर बैसोनि सन्दीप आरो 45 बोसोर बैसोनि बिटाना देबिखौ सिनायनो हायो। थैनाय सन्दीपनि फिसाज्जालाखौनो खानाय सिन्नायै बयबो फैदोंमोन। बिसोर लामायावनो बयबो जाग्रा आदार जादोंमोन आरो बे समाव बास सालायगिरिया जौ लोडे।



## केशवब डेका मेम 'रियेल गुदि फरायसालिनि सनाथि माइ्थाय फोर्बो खुंनो लाहार-फाहार

**गसाइगाव, 9 नभेम्बर:** कक्राझार जिल्लानि गसाइगाव सदर सहराव थानाय केशवब डेका मेम 'रियेल गुदि फरायसालिनि सनाथि माइ्थाय फोर्बो खुंनो लाहार-फाहार जादों। फैगो 17 नभेम्बरखालि सानसेनि गेदेत हाबाफारिखों सनाथि माइ्थाय फोर्बोखौ खुंनाय जागोन। सदर सहराव थानाय मारवारि जुलि जाग्रा न'नि साखाथि डिक्के रड' नि साखाथियावनो खुं जानो गोनां हाबाफारिखौ जाफुंसारे सामलायनो थाखाय आधिखालाव खिन्ऱ दसखौ आफदगिरि, मानिक चन्ऱ देकाखौ मावफुं आफदगिरि, तनेश्वर देवनाथखौ नेहाथारि आरो

श्रीमति कृ ष्णा ब्रह्मखौ लोगो नेहाथारि महरै लाना बान्जाय आफदाखौ दनाय जाबाय। बान्जाय आफदाअ फारिलाइ थि खालामनाय हाबाफारि बायदिथै बै सानखालि फुनि 8:00 रिंगायाव फिरफला बिरहोगोन बान्जाय आफादनि आफादगिरि आरो थुनलाइगिरि खनिन्ऱ नाथ दासअ आरो माहारियारि फिरफलाखौ बिरहोगोन फरायसालिनि गहाइ फोरोंगिरि सायास्त्रि मुसाहारिआ। 8:15 रिंगायाव फरायसालिनि रंसारि फोरोंगिरि आरो मावसुमाफोरखौ मान बाजोन गसाइगाव हिन्जाससा गोऊँ फरायसालिनि आचिरा मोनाय

गाहाइ फोरोंगिरि अनु रानि बसुमतारिआ। बेनि उनाव फरायसालिनि ह्य दान होग्रानि फिसौ मानिक चन्ऱ डेकानि गेजेरजों खुंनाय सनाथि माइ्थाय फोर्बोनि खाम्फाखौ बेखेवगोन पद्यश्री ॐ कामेश्वर ब्रह्मआ। 9:30 रिंगायाव नोगोर आफादनि बिबानगिरि प्रपुल्ह इस्लारीआ हाबाफारिनि गाहाइ पेन्डेलखौ बेखेवनायनि उनाव बिफां फुलि गायगोन आचिरा मोन्नाय फोरोंगिरि कृ ष्णा ब्रह्म, प्रमिला मुसाहारि, सुमति ब्रह्म आरो आचिरा मोन्नाय गहाइ फोरोंगिरि रत्नेश्वर देवनाथमोनहा। फुनि 10:00 रिंगायाव हारिमुआरि लामा हान्जा

सुरनाय हाबाफारिखौ बारग' फरायसा आरो इडपिपिएल गसाइगाव जिल्ला आफादगिरि अनिनद्य बसुमतारिआ। फुनि 11:00 रिंगायाव बारग' फरायसाफोरनि जथुम खुंनाय जागोन।

बारग' फरायसा आरो बड'लेण्ड मुलुग सोलोंसालिनि रेजिस्ट्रार ॐ मन्जिल बसुमतारिनि सामलायनायाव जथुमाव हांखायहरजानाय बूंथिगिरि महरै बारग' फरायसा फारियै- अभिजित दे, श्रेयसि बसुमतारि, अनिल दास, निजामुद्दिन आहमद आरो जय कचमोनहा बाहागो लाफै गोन। सान्जौफुनि 12:00 रिंगायाव

आधिखालनि आरो बारग' फरायसाफोरजों लोगोसे दान होग्रानि सोद्रोमाफोरखौ मान बाउनायनि उनाव बान्था गथायनाय मेल खुंनाय जागोन। बेसालिनि 2:30 रिंगायाव खुं जानो गोनां गेवलां मेलखौ गसाइगाव गुदि सोलोंथाय खोन्दीनि बिबागिरि शिव प्रसाद शइकियाआ बेखेवना होगोन आरो मेलाव गहाइ आलासि महरै बाहागो लाफैगोन पद्यश्री ॐ कामेश्वर ब्रह्मआ। हाबाफारियाव हारि, धोरोन, बोरोन, राव सायख'याजासे साफ्रोमबो राइजो-राजाफोरखौ नुजाथिफैनो गोसो गोर्बोऊँ बान्जाय आफादआ खवलायहर्दो। ॥

## भबानिपुर दखरा फरायसालिमायाव राव गौरब सप्ताहनि बिबुंथि होनाय हाबाफारि खुंदों

**भबानिपुर, 9 अक्टूबर:** राव गौरब सप्ताहजों लोब्बा लाखिनाने दिने भबानिपुर दखरा फरायसालिमायाव असमीया बिफाननि बान्जायनायाव आरो भबानिपुर दखरा फरायसालिमानि दालाइ साहित्य सभानि हेफाजाबाव मोनसे बिबुंथि होनाय हाबाफारि खुंनाय जायो। बिबुंथि होनाय हाबाफारिखौ आलारि बाथि फोजोंनाने बेखेवनासे होयो भबानिपुर दखरा फरायसालिमानि दर्शन बिफाननि लोगो बिबुंगिरि गोंस्वर कलितआ आरो आरबि बिफाननि लोगो बिबुंगिरि मबारुक हुसेनआ। भबानिपुर दखरा फरायसालिमानि असमीया बिफाननि बिफान गहाइ बिबुंगिरि दिलिप कुमार डेकानि आफादगिरि मासि सामब्ब्यायनायाव खुंनाय ‘‘ धूपदि राव आरो बेनि फोसावनाय-फेहेरनायाव गोदान जौलीनि बिहोमा’’ आयदानि बिबुंथि होनाय हाबाफारिखौ सरुपेटानि बिएइसबि फरायसालिमानि असमीया

बिफाननि लोगो बिबुंगिरि ॐ पितिरिखा दतअ गाहाइ बुंथिगिरि महरै बिबुंथि होनाने बुडेदि, असमीया रावखौ धूपदि राव महरै गनायथि होनाया असमीया हारिनो मोनसे हारि महरै आबुं मान होदों। असमीया रावखौ धुपदि राव महरै गनायथि होनायनि बिथिडव आसाम साहित्य सभानि बारग’ आफादगिरि कु लधर शइकियानि दैदेन्नायाव आसाम साहित्य सभानि बिहोमाया अराय जुगामि जानानै थागोन। बे बिबुंथि होनाय हाबाफारियाव भबानिपुर दखरा फरायसालिमानि दर्शन बिफाननि लोगो बिबुंगिरि ॐ निभा चौधुरी, असमीया बिफाननि लोगो बिबुंगिरि निलमनि शर्मा, रुपम मजुमदार मोनहाबो बिबुंथि होनायजों लोगोसे बिबुंगिरि फारियै आब्दुस सातातार चौधुरी, आइकिउएफिनि क-अडिनेटर ॐ नबिन पखरेल मोनहाबो बाहागो लायो। ॥

( १ बिलाइनिफ़्राय )<sup>ⓘ</sup>

### कक्राझारआव अस्ताद कामिनि कुमार ...

कुमार नार्जारीनि बिहोमाया रुजुजाथावेमोन होन्नानै बुडे। बिथाड जाय समाव बर' सुबुं मोसानाय हारिमुनि बाश्राखौ हादतआरिफोराल' नड आसाम नाडेनो गोसायखैमोन, बे समाव अस्ताद कामिनि कुमार नार्जारीआ 1957 माइ्थायनि 26 जानुवारीआव बर' हारिनि ‘‘बागुरुम्बा’’ मोसानायखौ दिल्लीयाव दिन्थिफुंनो हादोंमोन। मन्थि ब्रह्मआ बे बिथिडव अस्ताद कामिनि कुमार नार्जारीनि सोरंजिलु खामानिफोरनि बिहोमानि थाखाय दिने बर' हारिनि बागुरुम्बा मोसानाया मुलुग नाडेनो गनायथि मोन्नो हादों होन्नानै बुडे। बे बिथिडव बर' हारिनि सानै गेदेमा सुबुं अस्ताद कामिनि कुमार नार्जारी आरो बिनेस्वर कुमार ब्रह्मनि मुंखौ जों लायाब्ला अब्ला बर' हारिमुनि हान्थिनाया जागायजेन्नाय नडमोन। दिने दुलाराइ बर' हारिमु आफादआ अस्ताद कामिनि कुमार नार्जारीनि जोमोन सान फालिनायनि जाय हाबाफारि लादों बेयो हारिमु बिथिडव मोनसे सांग्रांथि सोरंजिहोदों होन्नानै मन्थि ब्रह्मआ बाखायो। मन्थि ब्रह्मआ अस्ताद कर्मिनि कुमार नार्जारीनि सोरंजिथायखौ अराय जुगामियै लाखिनो थाखाय बिथानि मुडाव बिटिआरआव गंसे थागिबि हारिमुवारि एकाडेमि गायसन्नो खवलायो। बे बिथिडव दुलाराइ बर' हारिमु आफदाखौ एकाडेमि बेखेवनो थाखाय बिटिसि सरकार आरो रइज्यो सरकारनिफ़्राय खोलोब महरै मदद-हेफाजाव होगोन होन्नानै खोथा होयो। मख'नो गोनांदि, अस्ताद कामिनि कुमार नार्जारीनि जोमोन सान फालिथायजों लोब्बा लाखिनानै दिने दुलाराइ बर' हारिमु आफदाआ ‘‘ बर' हारिमु मुलुगाव अस्ताद कामिनि कुमार नार्जारीनि बिहोमा’’ आयदानि मोनसे सावराय मेलबो खुंनाय जायो। सावराय मेलाव हांखायजाजाय आलासि महरै बर' थुनलाइ आफादनि आफादगिरि ॐ सुथ्थ नार्जारी, अस्ताद कामिनि कुमार नार्जारीनि फिसाज्ला सोमदोन नार्जारी, एबसुनि जिल्ला आफादनि नेहाथारि खाम्फा बसुमतारि, जिल्ला बर' थुनलाइ आफादनि आफादगिरि बिजेल कुमार बसुमतारि, दुलाराइ बर' हारिमु आफादनि मिरुनि लेाइ आफादगिरि जगेस्वर ब्रह्म आरो अस्ताद कामिनि नार्जारीनि देरसिन सोलोंसा गसाइगावनि रलेस्वरि बसुमतारिजों लोगोसे ओन्सोलनि गोबां आर्टिस्ट आरो गहाम अन्साइगिरिफोर बाहागो लायो। ॥

## गोदान दिल्लीयाव खुंनो गोनां बड'लेण्ड फोर्बोआव गाहाइ मन्थिआ बाहागो लागोन

मदिआ बाहागो लागोन। बेजों लोब्बा लाखिनानै दिने बिटिसिनि सदर कक्राजारआव मोनसे गिदरि हान्जा सुरनाय हाबाफारि खुंनाय जायो। मख'नो गोनांदि, बर' हारिनि माहारियारि आफाद दुलाराइ बर' फरायसा आफाद, बर' थुनलाइ आफाद आरो दुलाराइ बर' हारिमु आफादनि बान्जायनायाव खुंनाय बे हान्जा सुरनाय हाबाफारिया कक्राझार सरकारि गोजौसिन गेजेरारि आरो थांखि गोबां फरायसालिनि गेलेग्रा फोथारनिफ़्राय जागायजेन्नानै जोहोलाव दैमालु लामानि बड'फा गथ'सा पार्कआव थुंगेफैयो। मख'नो गोनांदि, बर' थुनलाइ आफादनि आफादगिरि ॐ सुथ्थ आफादनि फोरोंजों लोगोसे दुलाराइ बर' हारिमु आफादनि आफादगिरि बिजुवेल नार्जारी, एबसुनि नेहाथारि दिनेश ब्रह्मआ दैदेन्नाय बे हान्जा सुरनाय हाबाफारियाव बाहागोलागिरिफोर स्वागतम नरेन्ऱ मदि, नरेन्ऱ मदि लं लिभ बायदि स्ल'गानजों सहरखौ गोमखोहोयो। मख'नो गोनांदि फैगो 15 आरो 16 नभेम्बरआव गोदान दिल्लीनि इन्दिर गान्धी हारिमायारि स्टैंडियमाव साननैनि हाबाफारिजों गिबि खेबनि थाखाय बे फोर्बोखौ खुंनो थांगसिनो दं। ॥

## बड'लेण्ड महत्सभआव हादरनि गाहाइ मन्थिआ बाहागो लाफैगोनखौ लानानै गोमखांदों ...

आफाद आरो गान्धी हिन्दुस्तानी साहित्य सभानि जुथायै बान्जायनाय आरो बि टि आर सरकारनि मददजों खुंजानो थांगसिनो गिबि खेबनि थाखाय ‘‘ बड'लेण्ड महत्सभ’’। बे बड'लेण्ड महत्सभआव हादरनि गाहाइ मन्थि नरेन्ऱ मदिआ 15 अक्टूखालि हाबाफारियाव बाहागो लाफैगोनखौ लानानै दुलाराय राइजोनान्डै दिनेनि सानाव जिल्ला आरो महकुमा थाखोआव बरायनाय हान्जा सुरनाय हाबाफारि लानायखौ नुनो मोन्नाय जादों।

दिने बे हाबाफारिखौनो बिन्था खालामनानै गुबुन गुबुन जिल्लाफोरजों लोगोसे उदालगुरि जिल्ला दुलाराय बर' फरायसा आफाद, बर' थुनलाइ आफाद आरो दुलाराय बर' हारिमु आफादनि जुथायै बान्जायनायाव जिल्लानि सिडव थानाय भेरगाव महकुमा आरो उदालगुरि सहराव जुथायै बरायनाय हान्जा सुरनाय हाबाफारि लानाय जायो। मख'जाथावदि, मोनसे माइव बड'लेण्ड हालामाव गोजोन गैयै थासारिया बाहा बोनानै लादोंमोन, नाथाय थानाय 2020 माइ्थायनि 27 जानुवारी खालाराव हादरनि गाहाइ मन्थि नरेन्ऱ मदि आरो आसामनि गिबि मन्थि ॐ हिमन्त बिश्व शर्मानि दैदेन्नायाव बर'नि थामथि गोजोन गोरोरथा बि टि आर गोरोरथा जानार्यनि उनाव हालामाव गोजोन खौसेथिनि बारहावाया बारनो हमदों। जाय बिहोमानि थाखाय बिथामोनखौ मान होनानै गोदान दिल्लीयाव खुंनो लानाय बड'लेण्ड महत्सभआव हादरनि गाहाइ मन्थि नरेन्ऱ मदि आरो आसामनि गिबि मन्थि ॐ हिमन्त बिश्व शर्मा मोरनि बाबुगो लागोनखौ गोजोन्नाय मोन्नायजों आगुथै दिनेनि बरायनाय हान्जा सुरनाय हाबाफारिखौ लानाय जादों होन्ना बुडे हाबाफारिनि बेखेवगिरि मिरु बर' थुनलाइ आफादनि गाहाइ नेहाथारि निलकान्त' गयारिआ। बेनि अनगायैबो बर' हारिया भारत हादरनि मोनसे एंगारहायै बाहागो हारि महरै सिनायथि होन्ना दिन्थिनो खाबु मोनगोन। बे महत्सभनि गेजेरजों बेयो जॉनि थाखाय गोग्गाथाव बाश्रा होन्नानैबो गावनि बिबुंथिआव फोरमायदों गयारि बिथाड। साहित्य एकाडेमी बान्था मोनगिरि नबिन मल्ल बर', उदालगुरि जिल्ला दुलाराय बर' फरायसा आफादनि लोको आफादगिरि धरनि बर', लोगो गहाइ नेहाथारि बिकास बड'सा, नेहाथारी रमेस बर', उदालगुरि जिल्ला बर' थुनलाइ आफादनि आफादगिरि मानिक बसुमतारी, गाहाइ नेहाथारि पिथर गोरु खुंग्रा दैमारिमोनजों लोगोसे जिल्ला दुलाराय बर' फरायसा आफादनि सिडव थानाय गंग्रफ़ेमबो दख'रा एबसुनि आफादगिरि गाहाइ नेहाथारिजों लोगोसे गोबां मेलेम जिबि, बर' दैदेनगिरि, सानसुमै, राइजो-राजाफोरबो बे हान्जा सुरनाय हाबाफारियाव बाहागो लानायखौ दिनेनि सानाव नुनो मोन्नाय जादों। ॥

## भारतनि गाहाइ मन्थि नरेन्ऱ मदिनि बाहागो लाफैगोनखौ बरायनानै गसाइगावआव लामा ...

आफादआ जुथायै गसाइगावआव बरायनाय हान्जा सुरनाय हाबाफारि खुंदों। गसाइगाव महकुमा सदर सहराव थानाय गान्धी नगर गेलेमु फोथारनिफ़्राय जिल्ला बर' थुनलाइ आफाद, दुलाराय बर' फरायसा आफाद, बर' हारिमु आफादनि कक्राझार जिल्ला आफादनि अनगायैबो बर' हारिनि माखासे दोलो आफादनि मावफारिया-सोद्रोमाफोर बाहागो लाफैनानै आखायाव बेनार, पेस्टुन प्लेकार्ड लानानै लामा हान्जा सुरनायाव बाहागो लायो। हान्जा सुरनायाव दुलाराय बर' फरायसा आफादनि कक्राझार जिल्लानि आफादगिरि सोमदोन बसुमतारिआ बाहागो लाफैनानै खौरं बिजॉनि सिगाडव बड'लेण्ड फोर्बोआव भारतनि गाहाइ मन्थि नरेन्ऱ मदिआ बाहागो लाफैगोनाव बर' हारिया हामलायथि बाइहरसानै बे हान्जा सुरनायखौ खुंनाय जादों होन्ना बिथाड बुडे। गाहाइ मन्थि नरेन्ऱ मदिनि गोखों दैदेन्नायाव आधिखालाव बड'लेण्डआव अरायथा गोजोन दाफुंजादों होन्ना बिथाड मख'नानै गाहाइ मन्थिखौ साबायख'र बाउयो। हान्जा सुरनाय हाबाफारियाव बर' थुनलाइ आफाद कक्राझार जिल्लानि आफादगिरि सहेन ब्रह्मजों लोगोसे माखासे बिबानगिरिफोरबो बाहागो लाफैदों ॥

( १ बिलाइनिफ़्राय )<sup>ⓘ</sup>

### मंग्लाझरा दख'रा दुलाराइ ...

दख'रा दुलाराय बर' फरायसा आफादनि गोदानै सायख'जानाय आफादगिरि महरै मिथुन ब्रह्म आरो गाहाइ नेहाथारि महरै सुबुं ब्रह्मखौ 2025–2026 माइ्थायनि थाखाय बिबान होनाय जायो। मख'बावनो गोनांदि, मंग्लाझरा दख'रा दुलाराइ बर' फरायसा आफादनि बारग' आफादगिरि दैमालु ब्रह्मनि मेल सामलायनायाव गेवलां मेल बेखेवगिरि महरै बाहागो लाफैयो कक्राझार जिल्ला दुलाराय बर' फरायसा आफादनि आफादगिरि कृपेस दैमारिआ। गावनि बेखेव बिबुंथिनि गेजेरजों कक्रझार जिल्ला एबसुनि आफादगिरि कृपेस दैमारिआ आधिखालआव एबसुआ फरायसाफोरखौ गुन गोनां सोलोंथाइ मोनहोनाय, लाइमोनफोरखौ जौ-जुवा बायदि फेग्रा बेसादिनफ़्राय जानागाव लाखिनाय, समाजनि थाखाय मेंनाय बानाय गैयालासे खामानि मावबाव थानायनि बागै गुवारे फोरमायो। गेवलां मेलनि हाबाफारियाव गहाइ आलासि महरै बाहागो लाफैयो बर' सावथुन मुलुगनि फेरुला फावबुंगुर फैला जे बरगयारि बिथाड। बिथाडबो गावनि बिबुंथियाव गाव-गावनि गथ' गथायफोरखौ जोथोन लानाय, नख'र संसार दैदेन्नायाव आइजो आरो हौवाफोरनि गोनां बिबान बायदिनि सायाव हाबाफारियाव बाहागो लाफैनाय राइजो-राजाफोरनि गेजेराव बेसेन गोसा सुबुरुन होयो। हाबाफारिआवनो बाहागो लाबावयो पर्वतझरा इडपिपिएल राइखान्थि हान्जानि आफादगिरि प्रसेन कुमार ब्रह्म लोगोसे पर्वतझरा जिल्ला बर' हारिमु आफादनि आफादगिरि गसाय कुंगुर ब्रह्म आरो ओन्सोलनि गोबां राइजो-राजाफोरनि बाहागो लानायनि गेजेरजों जोबानानै थाडे। ॥

## गसाइगाव बिएड फरायसालिमानि गोदान फरायसा बरायनाय...

होदों। कक्राझार जिल्लानि गसाइगाव बिएड फरायसालिमायाव दिने खुंनाय गोदान फरायसा बरायनाय हाबाफारियाव बड'लेण्ड मुलुगसोलोंसालिनि भाइस चेन्सेलर बाबुलाल आहुजाआ गाहाइ आलासि महरै बाहागो लाफैनानै गावनि बिबुंथियाव गाव गसाइगाव बिएड फरायसालिमाया मोनसे समाइना सोलोंथायारि थासारि सोरंजिजाबाय होन्ना बुडे। बिथाड इयुनिनि फोरोंगिरि महरै मोनसे हारिमायारि थाखेनि सोलोंथाय रहा थानायाव गोजोन्नाय फोरमायदों। मख'नो गोनांदि, भाइस चेन्सेलर बाबुलाल आहुजाआ गुरुदेव कलिचरण ब्रह्मनि मुसुखायाव आलारि बाथि फोजोनाय आरो बिबार मान बाउनायजों हाबाफारिया जागायजेनो। बेनि उनाव भाइस चेन्सेलर बाबुलाल आहुजानि आखायजों गसाइगाव बिएड फरायसालिमानि बोसोररि सावराय लाइसि 'जानलु' (नलेज अफ गारलेन्ड) खौ गोथारै बेखेवनाय जादों। गुबुन फारसे बिएड फरायसालिमानि गोरयुं ॐ अजित बर'आ फरायसालिमानि बिबुंगिरि ॐ अलंबार स्वर्गियारीआ लिस्नाय 'आइसिटि बिगिनार्स' मुनि गासे बिजाबखौ बेखेवना होयो। मख'नो गोनांदि, बोसोफ़ेमबो खुंजानाय बायदिनो बे खेवनाबो गसाइगाव बिएड फरायसालिमानिफ़्राय बांसिथारै नम्बर मोन्नानै उश्रिनाय फरायसुलि बर्षा दासनो गुरुदेव कालिचरण ब्रह्म बान्था गथायो। ॥

### राइज्यो बेंगिरिआ गावनि...

फरायसा रुजुथाय आरो फरायसाफोरनो होनाय फराफारि न्डै हाबाफारिफोरखौ नोजोर होयो। आचार्यआ फरायसाफोरखौ गावसोरनि जिउनि मोनफ़्रोम समखौ दिहुन्थायारि नाजानायाव बाहायनो खवलायो। राइज्यो बेंगिरिया बुडेदि, 'साफ्रोमबो फरायसाफोरा सरासनखा नडै रोंग'थि आरो मोनसे स्पर्कजों बुंफबनाय।' बिसोरहा गावसोरनि रोंग'थिखौ गोजौसिन जौथायसिम लांनो थाद'नो हायै जानांगो। बिथाड फरायसाफोरखौ फरायसालियाव गावसोरनि समफोरखौ रंजानो आरो गोदान आरिमु सोलोंनो नाजानो खवलायो, जाय बिसोरखौ गेदेमा जानायाव मदद होगोन। राइज्यो बेंगिरिया फोरोंगिरिफोरखौ फरायसाफोरखौ गावसोरनि रोंग'थिखौ दिन्थिनो आरो जाफुंसारनायनि गोदान जौथायसिम सौहैनायाव मदद होनोबो खवलायो। राइज्यो बेंगिरिया धुरामरा गामियाव गंसे पिएमएवाइ-जनि मुलाम्फा मोनगिरि न'थावबो दावबायहैयो। राइज्यो बेंगिरिया मुलाम्फा मोनगिरिजों सावरायो आरो बिथानो गुबुन गुबुन सरकारि बिथांखिफोरनि बागै फोरमायो, जायखौ सासे मुलाम्फागिरिया लानो नाय। नख'रनि सोद्रोमाफोरा फोरमायोदि बिसोरो जल जीवन मिशननि सिडव सरकारजों होजानाय मोब्लिव आरो खिखरसालिनि खाबुफोरजों लोगोसे दै जगायनायनि खाबुखौबो लागसिनो दं। बेनि अनगायैबो, मुलाम्फागिरिया राइज्यो बेंगिरिनो फोरमायोदि बिथाड सरकारनिफ़्राय शिल्पी पेन्सन मोन्नो हादों। बिथाड जिल्ला बेंगिरिखौ बेखौ थि खालामनो खवलायोदि जिल्लानि मुलाम्फागिरिफोरा गावसोरनि जिउखौ मोजं लामजों सोलायनो थाखाय सरकारि बिथांखिफोरनि मुलाम्फाफोरखौ लानो हायो। राइज्यो बेंगिरिया गेरैकी गावआव गेरैकी पहारिया पाइप दै जगायनाय खाबुखौबो नायदिहैयो। बिथाड दै जगायनाय बिथांखिनि गोहो आरो सुबुंफोरनि गोनांथिफोरखौ आबुं खालामनायाव बेनि सौहैनायखौ नोजोर होयो। बिथाड अजद रेवधुमनाय आरो मोनसे अजद बाक्सुनि आरोनो हानायजों लोगोसे अजद सुन्धानयनि खान्थिखौ नायबिजिरो आरो सुबुन्हन होयोदि खुंथाया गोनांथार सिबिथायफोरखौ बांहोनानै सुबुंफोरनि दाबिफोरखौ आबुं खालामनो जेब्लाबो सांग्रां जानांगो। राइज्यो बेंगिरिया गेरैकी गांव नामघरआवबो दावबायहैयो, जेवब बिथाड नाम विक्टमखौ खोनासंनय आरो सिबियारिफेरजों सावरयनानै सम बाहोयो ॥

( १ बिलाइनिफ़्राय )<sup>ⓘ</sup>

### सालबारिआव गाहाइ मन्थिखौ बरायनानै ...

सालबारियावबो सालबारि जिल्ला बर' थुनलाइ आफाद, एबसु आरो बर' हारिमु आफादआ जुथायै गाहाइ मन्थि नरेन्ऱ मदिखौ बरायनायनि थांखिजों बराय हान्जा सुरनाय हाबाफारि खुंनाय जायो। आखाइ-आखाइ बेनार, प्लेकार्ड लानानै सालबारिनि बड'लेण्ड आलासि जिरायसालिनिफ़्राय जागायजेन्नानै सालबारि आदर्श देहा फाहामसालि जानानै सालबारि हाथायनि गेजेरजों खुंनाय बे हान्जा सुरनाय हाबाफारियाव गहाइ मन्थि नरेन्ऱ मदि स्वागतम, गिबि मन्थि हिमन्त बिश्व शर्मा स्वागतम बायदि स्ल'गानजों हान्जा सुरो। ओन्सोलनि राइजो-रजा, मेलेमजिबि सुबुंफोर बाहागो लानाय बे हान्जा सुरनाय हाबाफारियाव बर' थुनलाइ आफादनि मिरुनि मावफुं सोद्रोमा रजेत्र बसुमतारि, सालबारि जिल्ला बर' थुनलाइ आफादनि आफादगिरि दम्बरुधर बसुमतारि, लेाइ आफादगिरि चशिन स्वर्गियारी, गाहाइ नेहाथारि बिक्रम बसुमतारि, एबसुनि बाक्सा जिल्लानि आफादगिरि उमेश दैमारि, सालबारि जिल्ला बर' हारिमु आफादनि गाहाइ नेहाथारि दैमालु बसुमतारि, सालबारि फरायसालिमानि गोरयुं जगत चन्ऱ बसुमतारि, लोगो गोरयुं दुलेन बसुमतारि, सालबारि जुनियर फरायसालिमानि गोरयुं गलक चन्ऱ बर'जों लोगोसे गोबां गागि सुबुंफोर बाहागो लायो। ॥

### गसाइगाव भग्नेश्वरि डेका मेम 'रियेल गेजेर...

बुंदोंदि, जों असमीया रावनि साबसिन्धार जौगाखानायनि थाखाय साफ्रोमबो खामानि मावनांगोन। बिथाड बुंदोंदि, असमीया रावआ जीबोद गोजाम गोदाय-गोदार्यनि राव। बेनि थाखायनो ध्रुपदी रावनि मान मोन्दों। आसामाव जिउ खानाय गासैबो हारि-हारिसाया गोग्गानायजों असमीया राव बाहायनानै गोरबेकलना मोनसे समाइना आरो जौंगालु आसाम सोरंजिनयनि थाखाय बिथाड खवलायो। हाबाफारियाव कमल नाथ क्लाब काम लाइब्रेरिनि आफादगिरि पुतुल देस दसआ एबसमीया रावनि फारसे जॉनि बिबान गोनांनि सोमोन्दै फोरमायथिनानै रावआ माबोरै मोनसे हारि एब समाजखौ सिगांलांहोनो हायो बेखौ मख'यो। हाबाफारियाव आचिरा मोन्नाय फोरोंगिरि नुरुल हक, गसाइगाव प्रेस क्लाबनि आफादगिरि उत्पल दे, गसाइगाव आन्सलिक आसुनि नेहाथारि आफजालुर रहमान, फरायसालि सामलाय आफादनि सोद्रोमा मौसुमि रायमोनजों लोगोसे माखासे जर'खा आलासि, फरायसालिनि फोरोंगिरि आरो फरायसाफोर बाहागो लाफैदों। ॥

### गोजोननि नोगोर कक्राझारआव मेलानि मुडाव...

होन्ना मोनसे गोखों अजद ओंखारदों। जर'खायै कक्राझार सहरनि साखाथि ओन्सोलफोरव फुजानि मुडाव खाबु लानानै खायसे दुथां हान्जाया पुलिसखौ सामलायना मेला-जुवानि आहा खुंनानै फालांगियाव लोब्बा जानायल' नड, बेनि गेजेरजों गिफ्रंथाव थासारिजों भुगिनांदों गोदान लाइमोन जौलैनि गेजेराव। आधिखालाव कक्राझार मोनाबिलि जायोब्ला माखासे लाइमोनफोरखौ जायगा लायै जायगा सोलिबाय थानाय मेलानि मुडाव जुवा गेलेनानै सिलिंखार जानाय नुनो मोन्नाय जादों। मिबथि मोन्नाय अजद बादिथै, कक्राझार सदर थानानि सिडव थानाय बाडालडबायाव मोनफ़्रोम बृहस्पतिबार आरो रबिबारखालि मोनसे दुथां हान्जाया दाक्ख्ना सौलायहोनायनि मुडाव रांनि जुवा होदों। आधिखालाव बाडलडबा ओन्सोलाव रौसन जामाल आरो नबिजुदिन मुनि सुबुंफोरा मोनसे गेदेत जुवाजों लोब्बा जानानै लाख-लाख रां बुधुगगासिनो दऱ। जायनि थाखाय न'नि धोन सम्पति, मटरसाइकेल फान्नानै जुवा गेलेनानै सिलिंखार जानाय खायसे सेंग्राफोर लामा आन्दायनो गोनां जादों। बे आयदाखौ आधिखालाव मोनसे फरायसा आफादआ पुलिसनो फोरमायथिदोंब्लाबो दिनेंसिम थि थांखि आजावान लायाखे होन्ना अजद दैखांदों। बेनि अनगायैबो कक्राझार सहरनि गुबुन गुबुन जायगायाव मोनसे हान्जाया मेलानि मुडाव जुवा होबाय थानाय खौराडव समाजआव गोखों फिनजाथाय सोमजिहोदों। बेनि अनगायैबो कक्राझार सहरावबो हरनि खाबु लानानै माखासे रेस्टुरेन्ट-हटेल, आइन बेरेखा बाराव लाइमोन जौलैआ उदाडै फेग्रा मुवा बाहायनानै गोजोन गैयै मोनसे थासारि सोमजिहोनाय समाज आरो सान्थौआरि थाखोआव जिंगा सिहोदों। आधिखालाव गोजोननि कक्राझार सहर बिबुंथि मोन्नाय कक्राझारआव गोबाव साननिफ़्राय उदाडै सोलिबाय थानाय जौ-जुवा, मेला आरो आहाया आधिखालाव फिसाफोरनि इयुनखौ लानानै बिमा-बिफाफोरखौ सानखंहोदों। बे गासै आयदाखौ लानानै कक्राझारआव स्मार्ट आसाम पुलिसनि बिफाव लानायखौ सन्देह खालामदों सांग्रां मेलेमजिबि थाखोआव ॥

### सालबारि फरायसालिमायाव ‘राव गोग्गाथाव ...

थांखिजों 'राव गोग्गाथाव सप्ताह' खौ लोब्बा लानानै सालबारि फरायसालिमायाव फरायसालिमानि असमीया आरो बर' बिफाननि बान्जायनायाव 'असमीया रावनि गोखैथि-बायदि रोखोम' आयदाफारि आरो 'बर' रावनि आधिखाल आरो इयुन' आयदाफारिखौ लानानै सांग्रांथियारि मेल खुंनाय जादों। सालबारि फरायसालिमानि गोरयुं ॐ जगत चन्ऱ बसुमतारिनि आफादगिरि मासि सामलायनायाव खुंनाय सांग्रांथियारि मेलाव थांखिजानाय आयदानि सायाव फरायसालिमानि लेाइ गोरयुं ॐ दुलेन चन्ऱ बसुमतारिआ बिबुंथि लाखिदों। बेनि अनगायाबो गोरयुं ॐ जगत चन्ऱ बसुमतारिनि आफादगिरि मासि सामलायनायाव खुंनाय 'माहारियारि बिजिस्थाय सान' खौ लोब्बा लानानै आलादायै खुंनाय बिजिस्थाय सांग्रांथियारि मेलाव कक्राझार आइन फरायसालिमानि लोगो बिबुंगिरि भास्कर बसुमतारि, सुरेश बसुमतारि आरो बिजय कुमार बर'मोनहा थिखानाय आयदानि सायाव बिबुंथि लाखिदों। मख'नो गोनांदि, ड्रग्स उदां समाज सोरंजिनय, गुबुन गुबुन दार्यनिगिरि उदां समाज सोरंजिनय, जात्रबथाय उदां समाज सोरंजिनय, गुबुले उदां समाज सोरंजिनो थाखाय खवलायनायजों बिजिस्थाय सांग्रांथियारि मेलखौ खुंनाय जादों होन्ना फोरमायदों। सांग्रांथियारि मेलाव सालबारि फरायसालिमानि फरायसाफोरजों लोगोसे कक्राझार आइन फरायसालिमानि 100 निक्खुइ बांसिन फरायसाफोर बाहागो लाफैदों। ॥

### चिदली बिधान सभा बियाबनि उफ़्रा ...

मानोना प्रमद बर'आ राइजोरि मेलाव बे बाश्राखौ बुंदोंमोनदि बिटिआर गोजोन गोरोरथाया जुदि लिस्नाय बायदिथै मावफुं जाया एव्ला प्रमद बर'आ दिसपुरआव थानानै सोरबा केबिनेट मन्थ्रनि सिथ्लयाव फासि ल



# गाहाम देहानि राहा

## नोरसिं बिलाडिनि जुसखौ लोडेव्ला देहायाव माखासे मुलाम्फा मोनो हायो

दालि ऑखिफोरखौ गोथाव खालामनो एबा मोदोम होनो गोसो जायोव्ला माखासे गोथां बिलाडिफोरखौ होनो हायो। नोरसिं बिलाडिआव थानाय आइरन जिंक, कपार, केल्सियाम, भिटाविन ए आरो वि, अमिन' एसिड, प्रटिन, कार्बहाइड्रेट, फलिक एसिड बायदि गुनआ थायो। नोरसिं बिलाडिआ देहानि थाखाय गोबां मुलाम्फा गोनां। जागा आदारआव स्वादखौ बांहोनो थाखाय नोंथाडा नोरसिं बिलाडिखौ गोबां खेब बाहाय खांबाय जानांगौ। नाथाय बेनि गुनखौ नोंथाडा मिथिगौना? देहानि बांद्राय लिस्वाइनिफ्राय रेखाथि मोनो थाखाय नोरसिं बिलाडिखौ जुस खालामनानै लोडेव्ला मुलाम्फा मोनो हायो। नोरसिं बिलाडिनि जुस बानायनो थाखाय बयनिखुडुबो गिबिसिन दै गुडुडव होनानै गोदौ होनांगौ। बे दैयाव संखि आरो लेबु बिदैखौ गलायनांगौ। बेनि उनाव बे दैखौ गुसु खालामनानै साहा बायदि लौनो हायो। सानफ्रोमबो उदै खालियाव बे जुसखौ लोडेव्ला सुबुनि देहाया गोखोडे थायो।



नोरसिं बिलाडिआव आइरन आरो फलिक एसिडआ थोजासे बिबाडाव थायो, जाय एनिमियानि जेंना जानायाव रेहाय होयो। एनिमियानि जेंना जायोव्ला थाइसे खिजुरखौ गांने नोरसिं बिलाडिजों फुडव उदै खालियाव नेमखान्थि बायदिथै जायोव्ला देहायाव आइरननि लेभेलाआ बाडो। बेनि अनगायै सुबुनि गोस आरो हजम जानायनि जेंनायावो जानगार जायो। नोरसिं बिलाडियाव माखासे औरैबायदि, बार्निंग गुन मोन्याय जायो, जाय देहायाव थानाय बे कलेस्ट्रलखौ खम खालामनायाव मदद होयो।

मख'नो गोनांदि, कलेस्ट्रल लेभेखौ रेग्युलेट खालामनायावजोंबो देहानि लिस्वायखौ खम खालामनायाव मदद मोनो। बेवहाय थानाय एल्कालाइड, कलेस्ट्रल आरो ट्राइग्लिसाइड लेभेखौबो खम खालामनायाव मदद मोनो। नोरसिं बिलाडिआव थानाय फाइबरनि मददजों बडिनिफ्राय टक्सिनआ बायजोआव ऑखारबोयो, जायनि मददजों बडिआव जमा जानाय मेजेमफोर खम जानायाव मदद मोनो। (नट: बेखौ बाहायनायनि सिगां डक्टरनि सुबुरुन लानाया गाहाम)□

# कृति शेननि 'दो पत्ती' सावथुना जेंनाजों मोगा-मोगि जानांदौ

कृति सेनन आरो काजलनि 'दो पत्ती' सावथुना नेटफ्लिक्सआव रिलिज जादों मोन। बेयो मोनसे सास्पेन्स थ्रिलर सावथुनमोन आरो बे सावथुना नायगिरिफोरनिफ्राय जोबोद अन्सायनाय मोन्दोंमोन। शाहिर शेखा बे सावथुनि गेजेरजों बलिउडआव गावनि डेब्युखौ खालामदोंमोन। नाथाय आथिखालाव बे सावथुना माखासे जेंनाफोरजों मोगा-मोगि जानांसासिनो दड। अदेबानि सावथुनि मोनसे मेथाइखौ लानानै मेकार्सफोरनि सायाव खावनायनि दाय जाबसिन्दों। भारतनि बयनिखुडुबो देरसिन मिडजिक लेबलेसफोरनि गेजेरव मोनसे टि सिरिजआ आथिखालाव जेंनायाव गोर्लैनानै दड। मेथाइ



रोजाबगिरि निलान्जना घष दस्तीदारआ टि-सिरिज आरो मिडजिक डायरेक्टर साचेत आरो परम्परानि सायाव मेथाइ रोजाबनायनि थाखाय बिथानि फिसाय राजर्षि मितरनि ट्रेकखौ खवदों होनानै दाय जाबसिन्नाय जादों। दस्तीदारआ गावनि खुद्रिनायखौ दिन्थिनो थाखाय

सशेल मिडियानि हेफाजाब लादों। बिथाड दायनिगिरिफोरनि बेरेखायै नायबिजिनो थाखाय दाबि दैखदों आरो फोरमान हिसाबै मितरनि अरिजिनेल ट्रेकनि लिंकखौबो खालामदों। दस्तीदारआ गावनि इनस्टग्राम परस्टआव सुबुफोरखौ टि-सिरिज, सचेत टन्डन आरो परम्परा

ठाकुरखौ रिपर्ट खालामनो थिन्दों। गावनि परस्टआव बिथाडा लिरोदि, 'बिसोर सुबुफोर रोखायै आरो जेबो गनायथि गैया जासे आनि फिसायनि ट्रेकखौ बाहायनानै गावसिनि गात्रि बलिउडनि

सावथुनाव मेथाइ रोजाबदों। सिखाव खावनो लाजिया नामा? नोंथांमोनहा बेनि साजाखौ मोनगोन। आं आनि गसिबो मिडजिसियान लोगोफोर आरो आर्टिस्ट लोगोफोरखौ बे मिडजिक डायरेक्टर आरो गसिबो जकार टि-सिरिज मिडजिक कम्पानिखौ लाजिफोनानो थाखाय बुंगोन।' गावनि बे परस्टआव बिथाडा थोंजोडे मिडजिसियान सचेत टन्डनखौ शेमलेस आरो सिखाव होनानै मिबथिहोयो। बेनि सिगां बिथामोननि गुबुन मेथाइ 'आखियां दे कोल' नि सायाव सासे पाकिस्तानी फावखुंगुर अदनान सिद्दिकिआबो बिथामोननि सायाव गावनि खुद्रिनायखौ दिन्थिदोंमोन।□

## अक्षय कुमारनि सोमोन्दै गुडिडि मारुटिआ माखासे बाथा फोरमायदों



80-90 थि जौथाइनि मुंदाखा फावखुंगुरि गुडिडि मारुटिआ जोंखौ खेब मिनिहोदों आरो एवथुखांहोदों। बिथाड अक्षय कुमार आरो गबिन्दाजों लोगोसे माखासे सावथुनफोराव खामानि माखखांबाय। अदेबानि बावैसो सिगां मोनसे इन्टरभिडआव बिथाड बिसोरनि फावखुंगुरिनि सोमोन्दै माखासे सोमोन्थाव बाथा फोरमायदों। बेजों लोगोसेनो बिथाड बिसोरनि रमान्टिक एफेयारनि सायावबो बाथा सावथुनदों। गुडिडिआ मिबथि होयोदि, अक्षय कुमारआ सिगांनिफ्रायनो एलार्ट खालामग्रा सुबुफोरनि मादाव सासेमोन आरो बिथांहा गोबां गाल्रैन्डसबो दंमोन। सिद्धार्थ कनननो होनाय इन्टरभिडआव बाथा सावरायलायनायाव गुडिडिआ मिबथि होयोदि, 'खिलाडी' सावथुनि शुटिनि समाव अक्षय कु मारआ आइजोफोरनि गेजेरव जोबोद मुंदांखामोन। बिथांआ बुडोदि, अक्षयहा गोबां गाल्रैन्डसफोर दडमोन। आंहा सानै साथामनि सोमोन्दै मिबथियो नाथाय

इन्डस्ट्रीआव मुं खामायबाय थानाय समावनो 90 थि जौथाइनि जेबनायाव बिथामोननि स्मान्सआ जागायदोंमोन। सानैजों बिथामोनहा मोनसे मेगजिननि शुटिनि गेजेरजों लोगो मोनलायदोंमोन आरो बिथामोननि लोगो जानाया थाबैनो मोजां मोनलायनायाव सोलायो। 2000 माइथायाव दुईकल खानाया फोसावदोंमोर्नदि, जुदि बिथानि 'मेला' सावथुना मोजां पारफर्म खालामनो हाया अब्ला बिथानि अक्षयजों जुलि जागोन। जेव्ला सावथुना बक्स अफिसआव मोजां पारफर्म खालामनायाव फेलें जायो अब्ला दुईकलआ गावनि खोथा होनाय बायदियैनो अक्षयजों जुलि जायो। 2001 माइथायनि 17 जानुवारीखालि आंगो लोगोफोर आरो नख'रनि सोद्रोमाफोरनि गेजेरव सानैजों जुलि जायो। मख'नो गोनांदि, सानैजों बिथामोनहा दा रुजु रुमुयै संसार जानानै दं आरो बिथामोनहा सानै गथ'फोरबो दड, जायनि मुंआनो जादों आरभ आरो नितारा।□

## फावखुंगुर टनि टडआ रुंसारि जाबाय



फावखुंगुर टनि टडआ रुंसारि जाबाय। बिथानि आ लस एन्जिल्सआव गावनि थाग्रा न'आव जोबथा हां बोयो। केन्डिमन आरो फाइनल डेस्टिनेशन हरर फ्रेन्चाइजिआव गावनि रोग'थि एक्टिजों बिथानि सुबुफोरनि गोसोआव जायगा आवगिनो हादोंमोन। फावखुंगुरनि आंगो बिसि फातिमाआ द हलिउड रिपर्टनो मिबथि होयोदि, गोबाव समनिफ्रायनो जन्ना जानानै थानायनि उनाव बुधवार 6 नभेम्बरखालि न'आवनो टनिआ जिउ गोमायो। टनि टडआ केन्डिमन आरो बेनि सिक्वलआव सासे भिलेनिन फाव दिन्थिदोंमोन। गावनि 40 बोसोरिसमनि केरियारआव बिथानि 240 निखुइ बांसिन सावथुनफोर खालामदों। टनिनि जोनोमा 1954 माइथायनि 4 डिसेम्बरखालि वाशिंटेन डि.सि. आव जादोंमोन। बिथानि 1986 माइथायाव प्लाटुन सावथुनिफ्राय डेब्यु खालामदोंमोन। हरर फ्रेन्चाइजिनि बिथोनगिरिया 'निउ लाइन सिनेमा'नि इन्स्टग्राम हेन्डेलनिफ्राय मोनसे परस्ट शेयार खालामदों। टनि टडनि सावगारिजों लोगोसे लिरोदि, 'इन्डस्ट्रीआ सासे लिजेन्डखौ खोमाबाय। जों सासे अन्सुला लोगोखौ खोमाबाय। टनिनि अन्साइगिरिफोर दुखुनि फाख'नाव गोर्लैदों आरो बिथामोनहा फावखुंगुर आरो बिथानि एक्टिजों गोसो खदों। सासे इजजारआ लिरोदि, 'बे खौरंखौ खोनानानै आनि गोसोआ बायथिलबाय। बिथानिआ जे सावथुनफोरव खामानि मावदोंमोन बेफोर जोबोद मोजामोन। गुबुन सासे इजजार लिरोदि, 'केन्डिमन' सावथुनाव बिथानि एक्टिआ जोबोद मोजां जादोंमोन। आनान गसाइआ बिथानि आत्माखौ शान्ति होदों।□

## 'दृश्यम 3' आरो 'शैतान 2' सावथुनि सायाव खामानि मावनायखौ जागायबाय



अजय देभगानआ आथिखालाव 'सिंघाम एगेन' सावथुनि जाफु'सानायाखौ गोजोन्याय लागसिनो दड आरो बेजों लोगोसेनो बेक-टु-बेक नैथि सावथुनखौबो फोसावगसिनो दड। बिथानि मुंदांखा थ्रिलर सावथुन 'दृश्यम' आरो सुपारनेच्युरेल सावथुन 'शैतान' आबो पर्दायाव दोहौ सोमजिहोखांबाय। अदेबानि दा बिथाड बेनि उननि सल'खौ दिन्थिनो थाखाय थियारि जाबाय। बिथाडा रोखा खालामदोंदि, दृश्यम 3 आरो शैतान 2 सावथुनि सायाव खामानि मावगसिनो दड।

जायखौ मिबथिनानै अन्सायगिरिफोरा जोबोद एक्साइटेड जादों आरो बेनि रिलिज जानायाखौ नेनानै थादों। बवेखानि पिंकभिलाजों जरखा बाथा सावरायलायनायाव बे मोनै फ्रेन्चाइजिनि सोमोन्दै आपडेट होदों। बिथाड बुडोदि, बे समाव शैतान 2 खौ लिस्वाइनि दड। मोनसे हान्जाया दृश्यम 2 सावथुनि सायावबो खामानि मावगसिनो दड। बेनि गेजेरजों अजय देभगानआ बेखौबो रोखा खालामोदि, दे दे प्यार दे, सन अफ सर्दार, धामाल आरो गलमालनि सिक्वेलनि सायावबो खामानि सोलिगसिनो दड।

अजय देभगानआ बुडोदि, बेयो सिक्वेलनि सम मानोनो नायगिरिफोरा मिबथिनो थाखाय उसु-खुथु जादों। फावगिरिफोरखौ बिथामोनहा जोबोद मोजां मोनो आरो बिसोरनि बे मोजां मोन्यायनो फोथायनायखौबो लाबोयो। फावखुंगुरआ सिंघाम एगेननि आर्जिनाया 100 कौटि रनि अनजिमा बारनायनि सोमोन्दैआव बुडोदि, सुबुफोरनि अन्नाय आरो बिथामोननि बे बायदि अन्नायावनो फावगिरिफोर थानानै थायो। बे इन्टरभिडआव रहित शेड्टिआ अक्षय कु मार आरो अजय देभगानजों लोगोसे जयै कमिडि सावथुन बानायायनि सोमोन्दै सान्नाबो थिन्दों। मख'नो गोनांदि, सानैबो 90थि जौथायाव खामानि मावबोनाय। नाथाय फिनखेब पर्दायाव बिथामोननि जरखौ जयै नुनानै नायगिरिफोरा जोबोद मोजां मोनगोन।□

## 'भुतनाथ 3' सावथुनि सायाव खामानि मावनायखौ जागायबाय

बलिउडनि फावखुंगुर अमिताभ बच्चनआ गावनि केरियारआव गोबां हिट्स सावथुनफोर होबाय आरो लाख-लाख सुबुफोरनि गोसोआव गावनि जरखा जायगा बानायनो हादों। मोनफ्रैमबो सावथुनफोरवनो बिथाड गावनि मोनसे आलादा महरखौ दिन्थिदों। बेफोरनि गेजेरवनो मोनसे सावथुन दंमोन, जायनि मुडानो जादों 'भुतनाथ'। बे सावथुनि नैथि खोन्दोआ नुजाथिखांबाय। अदेबानि सुलुडव मिबथिनाय बादिब्ला, बेनि थामथि खोन्दोआबो नुजाथिसिगोन आरो बेखौ लानानै मोनसे गिदिर आपडेटआ सोराडव फेदों। मिबथि होनाय जादोंदि, बेनि सायाव खामानि मावनाया लासै जागसिनो दड। टि-सिरिज आरो बिआर फिल्मआ बे प्रजेक्टनि थाखाय जयै खामानि मावगसिनो दड। बलिउडआव सिक्वेलनि ट्रेन्ड सोलिगसिनो दड। भुल भुलैया 3, सिंघम एगेन, पुष्पा 2 आरो स्त्रि 2 नि उनाव आथिखालाव अमिताभ बच्चननि भुतनाथ 3 सावथुनखौ नुजाथिनायनि मिजिं खालामदों। माखासे मिडियानि रिपर्टफोर दाबि दैखदोंदि, थामथि खोन्दोनि सायाव खामानिया सोलिगसिनो दड आरो बेयाव अमिताभ बच्चनआनो भुत जानानै नायगिरिफोरनि गेजेरव नुजाथिगोन। 2025 माइथायाव बे सावथुनआ फ्लरआव फेगोन आरो 2026 माइथायाव रिलिज जागोन। पिंकविला सरसेजनि गेजेरजों मिबथि होयोदि, कास्टिआ दासिमबो सोलिगसिनो



दड; नाथाय बिथोनगिरिफोरा आसा खालामोदि, अमिताभ बच्चन आरो शाहरुख खान सानैखौबो फिन जयै सिगांनि बादिनो लाबोफिनो हागोन। शाहरुख खानआ जैरे सिगाडाव आरो नैथि पर्टिआव केमिय दंमोन, बे बायदिनो थामथि खोन्दोआवबो मेकार्सफोरा माखासे बे बायदिनो गिदिर खालामनायनि प्लानि लादों। बवेखानि आथिखालाव बिथोनगिरिफोरा स्क्रिप्टनि सायाव नांथाबनानै दड। कास्टिखौ बेनि उनाव खालामगोन।' बिभेक शर्मा डायरेक्टनि गिबि 'भुतनाथ' सावथुनआ 2008 माइथायाव रिलिज जादोंमोन। बेयाव शाहरुख खाननि समाइना केमिय रल खालामनायाखौ नुनो मोन्दोंमोन।□

## 'सिंघाम एगेन' सावथुना नुजाथिनायनि उनाव गलमाल 5 सावथुनि आपडेट फेदों

रहित शेड्टि आरो अजय देभगाननि जराया बलिउडआव काप इडनिभासखौ जागायदोंमोन। अदेबानि आथिखालाव बेनि थामथि खोन्दो सिंघाम एगेनआ सिनेमाहलफोराव दोहौ सोमजिहोखांबाय। बे सावथुना सानफ्रोमबोनि खामाइनय बिथिडव गोदान महर लादों आरो दा बे सावथुनि बिथोनगिरिया आरोबाव मोनसे गिदिर एनाउन्समेन्टखालामदों। सिंघाम एगेनआव गोखौ एन्टरटेनमेन्ट नुनायनि उनाव नायगिरिफोरा मिनिगलाबनो खाबु मोनगोन। अदेबानि रहित शेड्टिआ अजय देभगानजों लोगोनांनानै 'गलमाल 5' सावथुनखौ लाबोनो साखा-फारा जादों। गलमाल फ्रेन्चाइडिआ बलिउडनि साबसिन कमिडि सिरिजफोरनि गेजेरव मोनसे माइल खुथिया बायदि जादों। दासिमाव मोनब्रै हिट खोन्दोफोरखौ नायखानायाजों



लोगोसे अन्सायगिरिफोरा बिथानि फेनो गोनां सावथुनखौ गोसो गुदुडै नेनानै दड। पिंकविलानो होनाय मोनसे इन्टरभिडनि गेजेरजों रहित शेड्टिआ बे खौरंखौ रोखा खालामदों। बिथाड बुंदोंदि, फिन खेबसेबाव गोखों एक्सनआव ऑखारनायनि सिगां बिथाड गलमालनि मुलुगआव फेफिन्तो सान्दों। रहितआ बुडोदि, आं सानोदि काप इडनिभास सावथुनि सिगां गलमालनि नम्बरआ फेगोन।' रहित शेड्टिनि बे एनाउन्समेन्ट उनाव अन्सायगिरिफोरनि एक्साइटेमेन्टआ बांनो हमदों। फारसेथिं जेव्ला रहित शेड्टिआव एक्सननि उनाव हरखाबै कमिडिआव थानाया बिथानि थाखाय माबोरै जागोन होनानै सौलु खालामनायाव रहित शेड्टिआ बुडोदि, बेनि थाखाय हरखाबै स्पट जानाया रिफ्रेंशिं बायदिसो। बिथाड बुडोदि, सिंघाम बायदि इन्टेन्स प्रजेक्टनि उनाव गलमाल बायदि कमिडिआव खामानि

मावनाया आनि थाखाय 'डिटक्स' बायदिसो। आं सिंघाम बायदि गिदिर प्रजेक्ट खालामखानायायनि उनाव गलमाल सावथुनखौ बानायनो थाखाय एक्साइटेड जादों। मिबथि होनाय जायोदि, अजय देभगान, तुषार कापुर, शरमन जशि आरो अरशद वारसिनि गलमाल सावथुनआ 2006 माइथायाव रिलिज जादोंमोन। बे सावथुना बक्स अफिसआव ब्लकबास्टर जाना नुजाथिदोंमोन।□



## गुवाहाटीआव नर्थ इस्ट पेरा गेम्सखौ बान्जायनो साखा-फारा



गुवाहाटी, 9 नभेम्बर: आसामनि गुवाहाटी सहस्रव फेगो 27 नभेम्बरनिफ्राय 29 नभेम्बरनि गेजेराव गिबियै नर्थ इस्ट पेरा गेम्सखौ बान्जायनो थियारि खालामनाय जादों। बे इभेन्टआ आसामनि गेलेमुनि फोथाराव लाइमोनफोरखौ बाहागो लानो थुलुंगा होगोन आरो ओन्सोलाव गेलेमुनि बारहावा लाबोगोन। बे इभेन्टआव पेरा एटलेटिक्स, पेरा सुइमि, पेरा बकिया, पेरा बेडमिन्ट आरो पेरा टेबिल टेनिसजों लोगोसे गुबुन गुबुन

100 मिटार फ्रिस्टाइल, 50 मिटार आरो 100 मिटार बेक स्ट्रक, 50 मिटार आरो 100 मिटार ब्रेस्ट स्ट्रक, 100 मिटार बाटारफ्लाइ आरो 4X100 मिटार फ्रिस्टाइल रिले बायदि जान्थाइनि केटेगिरीफोरा खबु होनाय जागोन। पेरालिम्पिक एसएसएन अफ अरुणाचलआ फोसावलायनि गेजेरजों बे इभेन्टखौ गेलेगिरिफोरनि थाखाय बिसोरनि दिदोमथि, रोग थि आरो दिन्थिफुनायखौ बयनिबो सिगाडव दिन्थिफुनो मोनानयनि मोनसे जर'खा खबु फोरमायदों। थानाय माखासे साननि सिगांसो जोबलानाय अरुणाचल पेरा गेम्सनि देहगारिफोरजों लोगोसे बाहागो लानो गोसो गुदु बिजाथिफोरखौ फेगो 12 नभेम्बरनि सिगांसो अरुणाचल पेरालिम्पिक एसएसएनसिम गावसोरनि मुंखौ थिसनो खबलायहरदों।

## साक्षी मालिकआ गोबाव समनि उनाव बृज भुषण सिंहनि बेरेखायै बाथा बुंदों



गोदान दिल्ली, 9 नभेम्बर: भारतनि अलिम्पिक मेडल देरहागिरि साक्षी मालिकआ फोरमायदों, बिजेपिनि दैदनगिरि बृज भुषण सिंहआ गावखौ आथोनारि गाजि आखु दिन्थिनो नाजादोंमोन। साक्षीआ गावनि बिजाव दा उइनेसआव 2012 माइथायनि जाथायनि सोमोन्दै फोरमायदों होना मिबथिहोदों। बेनि उनाव अलिम्पिक मेडल देरहागिरि खमलायगिरिया मानो एसेबां बोसोरनिफ्राय सिरि थादों बे सौलुनि सायाव फिन होदों। नाथाय साक्षीआ मोगा-मोगियाव बेनि जाहोनखौ फोरमायदों। साक्षीआ हटरफ्लाइ चनेलजों मोनसे मोगा-मोगियाव बुंदोंदि, जुदि बिथाड बै समाव माबाफोर बुनायमोनब्ला दिने अलिम्पिक मेडल देरहागिरि जानाय नडमोन। बिथाड बुंदोंदि, बे जाथाया गावजों 2012 माइथायाव जादों। जेराव बिथाड गावनि गारांखौ दैखानो नाथाय आनो गोबाव सम नादों होना फोरमायदों। लोगोसे बियो सासे जोबोद गोहोगोरा सुबु होना फोरमायदों। जुदि आं बै समाव गारां दैखादोंमोनब्ला दिने अलिम्पिक मेडल देरहागिरि महेरि जियनाय नडमोन होना फोरमायनने बिथाड बुंदोंदि, 2012 माइथायनिप्रय 2023 माइथायसिम समआ बेबादिनो बारलदों।

## मिज 'रामआव गाहाम देहानि थाखाय 17,000 किल 'मिटार साइकेल सालायनाय हाबाफारि खुंदों

गोदान दिल्ली, 9 नभेम्बर: मिज 'रामनि गेलेमु मन्थि लालनिशिंगलवा हमारआ शुक बारखालि साइकेल सालायगिरि वानलाललाव मजुआला वतें एबा लजा वतेंखौ मान बाउदों। मन्थिया वतेंनो बिथानि मोन्नो गोनां सनमानआव अन्थोब आरो रांखान्थिनि अन्सुंथाइजों मान बाउदों। गोग्गो आरो गाहाम देहानि सोमोन्दै सांग्रांथिखौ गोसारहोनायनि मिशनजों लोगोसे, मिज 'रामनि साइकेल सालायगिरिया बे सोलिफु बोसोरनि 24 जानुवारीखालि गावनि साइकेल सालायनाय हाबाफारिखौ जागायदोंमोन। बिथांआ 281 सानआव मोन 28 राइज्योफोर आरो मोनबा मिरुनि इडनियन टेरिटरिसफोराव 17,000 किल 'मिटारनिखुइबो बांसिन गोजानखौ थांखि लादों। वतें आ 5 नभेम्बरखालि



आइजलिनि मिशन वंगआव सालायनायनि हाबाफारिखौ गावनि साइकेल फोजोबदों।

## अर्जुन एरिगेसिआ चेन्नाइ ग्रेन्ड मास्टर्सनि थामथि राउन्डआव सौहैबाय



गोदान दिल्ली, 9 नभेम्बर: भारतनि मुंदांखा चस गेलेगिरि अर्जुन एरिगेसिआ सोलिफु समाव खुंजानाय चेन्नाइ ग्रेन्ड मास्टर्सआव मोजाडै दिन्थिफुदों। बिथाड बे दुर्नामेन्टआव एलेक्स सरनानि हेंथायै देरहादों। बिथांखौ फेजेनानैनो एरिगेसिआ वर्ल्ड चस रेंकिंगआव नैथि मासियाव सौहैबाय। एरिगेसिआ थामथि राउन्डनि अमिन तबाताबेइजों मास्टर्स केटेगिरीयाव जथुयै गिबि थाखोआव सौहैदों। गुफुर पिसजों गेलेनाय 21 बोसोर बैसोनि अर्जुनआ सरनाखौ फेजेनानैनो गावनि 2800 इएलअ रेंकिंग मोन्दों आरो पेबियान' कारुआनाखौ गाखालायनाने वर्ल्ड रेंकिंगआव नैथि थावनियाव सौहैदों। मास्टर्स केटेगिरीनि थामथि राउन्डआव अमिन तबाताबेआ फ्रान्सनि ग्रेन्ड मास्टर्स मेक्सिस वासियर लागरेखौ फेजेनानै मेवनि दगिखौ सोलायनो हादोंमोन। बे समाव लेबन एरनियनआ इराननि परान मधसुदलुखौ गोरलैयैनो फेजेन्दों। भारतनि भिदित गुजरतिआ अरबिन्द सिदाम्बरामजों पइन्ट रानलायदों। बिथांमोननि अनगायै प्रनब भिआ सेलेन्सास केटेगिरीयाव गोखोडै दिन्थिफुनानै कार्टिकेयन मुरलिखौ फेजेनानै थामथि देरहाय थिसन्दों। प्रनेस एमआ भेसालि रमेश बाबुखौ फेजेनानै गावनि मासिखौ गोखोडैसिने लाखिदों। बे समाव रैनक साधबानि आरो लियन मेन्डकानि सेलेन्जआ समानाव थुगेदों, जेराव हरिका द्रणाबल्ली आरो अविमन्यु पुरानिकनि मेचआवो इआव जोबेदों। थामथि राउन्डनि उनाव अर्जुन आरो तबाताबेआ 2.5 पइन्टजों जथायै मास्टर्स केटेगिरीयाव सिगांसिनाव थाहैदों, जेराव एरनियनआ 0.5 पइन्टनि फारागथियाव थामथि मासियाव थादों।

## अस्ट्रेलिया आरो पाकिस्ताननि गेजेराव गेलेनाय वन्दे मेचआव 34 बोसोरनि गोजाम रेकर्डआ बायदों



गोदान दिल्ली, 9 नभेम्बर: फेगो बोसोरनि जागायजेन्नायावनो चेम्पियन्स ट्राफी जागोन। बेबायदि थासारियावनो अस्ट्रेलियानि हान्जाया बावैसो पाकिस्तानजों गेलेनाय मेचआव मोनसे गात्रियै दिन्थिफुनाय थिसन्दों। पेट क मिन्सनि के प्टेनआव अस्ट्रेलियानि हान्जाया मोजाडै दिन्थिफुनो नाजादोंब्लाबो बे मेचआव 34 बोसोरनि लाजिनांथाव मोनसे रेकर्डआ बायना फेदों। जेराव

बेनि सोलायै अस्ट्रेलियानि हान्जाया 35 अभासरिसमल' बेटि खालामदों, जेराव हान्जाया 163 रनल' लानो हादों। बेनि सिगां अस्ट्रेलियानि हान्जाया माब्लाबाबो बेबायदि फिसा स्करआव आउट जायाखैमोन। जेराव बेनिफ्राय फिसासिन स्करिआ 1990 आव सिदनीआव थिसनजादोंमोन आरो बै समाव पाकिस्ताननि हेंथायै अस्ट्रेलियाआ 8 उइकेट खहायाव 165 रन लादोंब्लाबो हान्जाया आबुडै अभासरखौ गेलेनो हादोंमोन। नाथाय बे खेबाव हान्जाया फिसा स्करिनि अनगायै आबुं अभाबरबो गेलेनो हायाखै। पाकिस्ताननि बलार साहिन आफ्रिदिआ बे समाव 8 अभासरआव 26 रन होनानै 3 उइकेट लादों, जेराव हेरिस राउफआ 8 अभासरआव 29 रनजों 5 उइकेट लादों।

## अरुणाचल प्रदेशआ नेसनेल उसु चेम्पियनसिपआव मोजाडै दिन्थिफुनो हादों



इटानगर, 9 नभेम्बर: अरुणाचल प्रदेशनि सेनियर उसु हान्जाया 33 थि सेनियर नेसनेल उसु चेम्पियनसिप 2024 आव अभासरल महेरै हान्जायारि चेम्पियन आरो टाउल' हान्जायारि चेम्पियन्स जानो हादों। हान्जानि गोखों दिन्थिफुनायनि फिथाय महेरै अरुणाचलनि गेलेगिरिफोरा गं 7

चेम्पियनफोरखौ लोगो हमनाय आरो बिसोरनि थाखाय रादाय होनायखौ फोरमायनाने राइज्योनि थाखाय गोग्गानाय दिन्थिफुनो हानायखौ बाखनायदों। अरुणाचल प्रदेशनि सनानि मेडल देरहागिरिफोरनि गेजेराव टाउल' बादायलायनायाव नेमां वांसु, सेरलकु, मसि नगेमंआ मोजाडै दिन्थिफुदों, जेराव गयामार आरो तौ अमाया चान्डा इभेन्टआव ब्रन्जनि मेडल देरहादों। बे समाव गिबि मन्थिआ जाफुंसोरे दिन्थिफुनायजों जानो गोनां 38 थि नेसनेल गेम्स 2024 आव सा 8 एटलेटफोरनि जायगा मोन्नायाव गोग्गानाय फोरमायदों लोगोसे बिथांमोननि मोजाडै दिन्थिफु'लांगोननि फोथायथि लादों।

## साब-जुनियर हकि चेम्पियनशिपआव लक्ष्मिआ झान्सीखौ फेजन्नानै सेमि फाइनालाव

गोदान दिल्ली, 9 नभेम्बर: बान्जायगिरि लक्ष्मिआ झान्सीखौ 8-1 जों फेजेनानै जमनलाल शर्मा मेम'रियल स्टेट साब-जुनियर हकी चेम्पियनशिपनि सेमी फाइनालाव सौहैबाय। गुबुन मेचफोराव, गाजीपुर, करमपुर आरो प्रयागराजनि टीमफोरा देरहादों आरो टप 4 आव जायगा मोननो हादों। चन्द्रभान गुप्ता फोथाराव गेलेनाय बादायलायनायनि नैथि क्वार्टर फाइनालाव लक्ष्मिआ झान्सीजों मोगा-मोगि जादोंमोन। फारसेयारि मेचनि गिबि गलनि मुंखौ झान्सीनि मुडव दोन्ना फेदों। बेनि उनाव लक्ष्मिनि गेलेगिरिफोरा फिन खबसे आवगायफिन्दों आरो मोनसेनि उनाव मोनसे 8 गल सोनानै मेचखौ फारसेयारि खालामदों। देरहानाय हान्जानि थाखाय केप्टेन शिभांशु, आमिर अहमद आरो अनस अन्सारीआ गर 2 गल सोदों, जेराव रियाज आरो महम्मदआ गल सोदों। शाहिदआ मोनफ्रोमबो गरसे गल सोनो हादों। बे साननि नैथि मेचआव करमपुरआ भदहीखौ 4-0 जों फेजेन्दों। बे बादायलायनाय आरो फारसेयारि मोन, जेराव



करमपुरनि गेलेगिरिफोरा गोहोम खोल्लेदों। मेचनि समाव, जनसनआ करमपुरनि थाखाय गर 2 गल सोदों, जेराव राज आरो शिभमआ गरसे गल सोदों। साननि थामथि क्वार्टर फाइनालाव गाजीपुरआ रामपुरखौ 4-0 जों फेजेन्दों। देरहानाय हान्जानि थाखाय कृष सिंह, प्रशांत, राज मौर्य आरो निकेत बिन्दआ मोनसेयै गल सोनो हादों। साननि जोबथा क्वार्टर फाइनल मेचआव प्रयागराजआ बिबेक एकादेमी बारानगीखौ 1-0 जों गोजोनथाव देरहानो हादों। मेचनि जागायजेन्नायनिफ्रायनो, मोनैबो हान्जानि गेलेगिरिफोरा गाग्लोबारि गेलेनायखौ

दिन्थिफुदों। गेलेनायनि 14 थि मिनिटआव अनिकेतआ सासे लोगो गेलेगिरिनि फासआव गल सोदों आरो प्रयागराजखौ 1-0 जों सिगांहोदों। मोनसे गलजों उन जाखानायनि उनाव, बिबेक

एकादेमीआ गोबां गाग्लोबनाय जागायदोंमोन नाथाय बिसोरनि गेजेराव लखवै प्रयागराजनि सांभां रैखाथिनि सिगाडव थाडखै। जोबनायाव प्रयागराजआ मेचखौ 1-0 जों देरहादों।

## यगेस कुमारआ ओन्सोलाव गोग्गानाय लाबोदों

गोदान दिल्ली, 9 नभेम्बर: भारतनि माहारियारि गेलेमु हकीनि फोथारव लाइमोन गेलेगिरि यगेस कुमारआ ओन्सोलाव गोग्गानाय लाबोदों। भारतनि माहारियारि गेलेमुआ हकीब्लाबो गोबाखनो क्रिकेटखौ अन्सायो। धौलपुरनि लाइमोन गेलेगिरि यगेसआ गावनि गोब्राव नाजानायजों सेनियर केटेगिरीनि राजस्ताननि हकी हान्जायाव सायख' जादों। जाउनाव ओन्सोलनिप्रय बिथानि सायख' जानाया लाइमोनफोरनि गोसोआव थुलुंगा लाबोदों। मानोना बिथानि ओन्सोलनिप्रय दासिमाव बे थाखोसिम गेलेगिरिफोर सौहैनो हाथआखै। नेसनेल लेभेलनि हकी इभेन्टनि थाखाय बिथाड राजस्ताननि हान्जायाव सायख' जानाय महेरै गावनि गोखौ दिन्थिफुनायजों सायख' गिरिफोरखौ गावनि फरसे लाखिलानो नाजगोन। खौरंगिनि मगा-मोगियाव बिबथै हिय बाहदुरआ गोखौ थुलुंगाजों



हकीनि फोथारव हाबनो लामा बेखेवना होजेदों, जेराव बिथाड बै समाव हादतनि सासे मुंदांखा हकी गेलेगिरिमोन। बै समाव बिबथै बाहदुरआ गल्ड हकी काप एबा नेहरु हकी काप दुर्नामेन्टआव बयनिबो थुलुंगागिरि जादोंमोन। जाउनाव बेनिप्रयनो यगेसआ बांसिने थुलुंगा मोनसिनायखौ गनायना लादों। यगेसआ फोरमायनाय बायदिब्ला, बिथाड नेपालनि मुलट मुनि जायायाव थायोब्लाबो 1984 आव बिबोजों भारतसिम फेफादों आरो धौलपुराव भारतआवनो थानादों। यगेसआ फोरमायनाय बायदिब्ला, गावनि जोनोमआ धौलपुरावनो जाखदोंमोन। जेराव बे जायायावनो बिथाड हकीनि लावथि आरो गल सोनाय आयदायाव सोल्लोथाय लादों। बेनि सिगां यगेसआ इभेन्टफोरनि थाखाय गोखोडै थियारि जाबोदों।